

# Matu

## JEPTA 1

- [1] Bok in epepen Jijej Kūraij, nejin Devid, nejin Ebream.
- [2] Ebream e ar keotak Aisak; im Aisak e ar keotak Jekōb; im Jekōb e ar keotak Juda im ro jein im jaten;
- [3] Im Juda e ar keotak Pirez im Zira jān Temar; im Pirez e ar keotak Hezrōn; im Hezrōn e ar keotak Ram;
- [4] Im Ram e ar keotak Amminedab; im Amminedab e ar keotak Nashon; im Nashon e ar keotak Salmon;
- [5] Im Salmon e ar keotak Boaz jān Reab; im Boaz e ar keotak Obed jān Rut; im Obed e ar keotak Jesse;
- [6] Im Jesse e ar keotak Devid kiñ. Im Devid e ar keotak Solomōn jān lio kar pāleen Uraia;
- [7] Im Solomōn e ar keotak Rioboam; im Rioboam e ar keotak Abaija; im Abaija e ar keotak Esa;
- [8] Im Esa e ar keotak Jiosepat; im Jiosepat e ar keotak Joram; im Joram e ar keotak Uzzaia;
- [9] Im Uzzaia e ar keotak Jotam; im Jotam e ar keotak Eaz; im Eaz e ar keotak Hezekaia
- [10] Im Hezekaia e ar keotak Menassa; im Menassa e ar keotak Amōn; im Amōn e ar keotak Josaia;
- [11] Im Josaia e ar keotak Jekonaia im ro jein im jaten ṃaan, iien bōkļok ñan Babulōn.
- [12] Im ālikin iien bōkļok ñan Babulōn, Jekonaia e ar keotak Sialtiel; im Sialtiel e ar keotak Zirubbabel;
- [13] Im Zirubbabel e ar keotak Abaiud; im Abaiud e ar keotak Ilaiekim; im Ilaiekim e ar keotak Ezor;
- [14] Im Ezor e ar keotak Sedōk; im Sedōk e ar keotak Ekim; im Ekim e ar keotak Ilaiud;
- [15] Im Ilaiud e ar keotak Eliezar; im Eliezar e ar keotak Mattan; im Mattan e ar keotak Jekōb;
- [16] Im Jekōb e ar keotak Josep pāleen Meri, eo e ar keotak Jijej eo ṃaetan Kūraij.
- [17] Innām epepen otemjej jān Ebream ñan Devid joñoul im emān epepen; im jān Devid ñan iien bōkļok ñan Babulōn joñoul im emān epepen; im jān iien bōkļok ñan Babulōn ñan iien Ri Kūraij joñoul im emān epepen.
- [18] Im wāween Jijej Kūraij ļotak āinwōt iṃ: Ke Meri jinen im Josep rejro karōk doon, ṃokta jān airro pālele, ar lo an bōrōro kōn Jetōb Kwōjarjar.
- [19] Innām Josep pāleen, bwe emṃan ṃwilin, im e jab kōṃaan kajook e iṃaan mejan armej, ej ļōmṃak bwe en ṃooj an joļok e.
- [20] A ke ej ļōmṃak kōn men kein, lo, enjel in Irooj ej weaak tok ñan e ilo tōṃak, im ba, Josep, nejin Devid, kwōn jab mijak in bōk pāliomṃ Meri: bwe an bōrōro kōn Jetōb Kwōjarjar.

[21] Im e naaj keotak nejin maan, im kwō naaj likūt etan Jijej; bwe E naaj lomōoren ro doon jān jerōwiwi ko aer.

[22] Im emōj kōmman aolepen men in bwe en kamool naan Irooj e ar kōnono kōn ri kanaan eo, im ba,

[23] Lo, bōjin e naaj bōrōro, im e naaj keotak nejin maan, im re naaj naetan Immanuel, ukōtōn naan in, Anij ipped wōj.

[24] Im Josep; ke emōj an ruj, ej kōmman āinwōt enjel in Irooj e ar jiroñ e, im bōk pāleen;

[25] Im e ar jaje e ñan tōr eo emōj an keotak nejin maan: im ej likūt etan Jijej.

## JEPTA 2

[Ma 2.1] Im ke Jijej e ar lotak i Betleem in Judia ilo raan ko an Herod kiñ, lo, jet ri kanpil raar itok jān reear ñan Jerusalem,

[2] Im ba, Ewi Eo ej lotak kiñ an ri Ju ro? Bwe kōm ar lo iju eo An i reear, im iten kabuñ ñan E.

[3] Ke Herod kiñ e ar roñjake, ej kūmkūm, im ri Jerusalem otemjej ippān.

[4] Im ke e ar kokweiloklok pris relap im skraib otemjej an armej ran ej kajjitōk ippaer ewi ijo Ri Kūraij e naaj lotak ie.

[5] Im re ba ñan e, Ilo Betleem in Judia: āindein ri kanaan e ar je,

[6] Im kwe Betleem, ilo bukwōn an Juda, kwō jab ediktata ippān Irooj ro in Juda; bwe juon Irooj e naaj itok jān eok, Eo e naaj seperd ro doō Israel.

[7] Innām Herod, ke e ar nooj an āniñintok ri kanpil, elap an kajjitōk ippaer, iien rot eo iju e ar waļok.

[8] Im ej jilkinlok er ñan Betleem, im ba, Komwin ilen kanooj pukot niñniñ eo; im ñe komij lo E, komwin bōktok naan ñan eō, bwe in barāinwōt ilem kabuñ ñan E.

[9] Ke emōj aer roñjake kiñ eo, rej ilok; im lo, iju eo raar loe i reear, ej kāllok iñaerlok, ñan ioon kajjien ijo niñniñ ej pād ie.

[10] Ke rej lo iju eo, re mōmōmō im e kanooj lap aer lañlōñ.

[11] Im rej deļoñ ilowan im, im lo niñniñ eo ippān jinen Meri; im rej buñpedo im kabuñ ñan E; im ke emōj aer erļoke mweiuk ko mweiieir, rej kamṁweiukiuki E; kool, im ijur, im mōrr.

[12] Im kōn an Anij kauwe er ilo tōnak bwe ren jab jeplaak ñan ippān Herod, rej ilok ñan āne eo āneir ilo bar juon ial.

[13] Im ke remootlok, lo, enjel in Irooj ej weaaktok ñan Josep ilo tōnak, im ba, Kwōn jerkak im bōk niñniñ im jinen, im ko ñan Ijijt, im kwōn pād ie ñan iien eo I naaj ba ñan eok: bwe Herod e naaj pukot niñniñ ne bwe en man E.

[14] Im ej jerkak, im bōk niñniñ im jinen ilo boñ, im ilok ñan Ijijt;

[15] Im ej pād ie ñan tōr eo Herod emej: bwe en kamool naan Irooj e ar kōnono kōn ri kanaan, im ba, I ar kūrtoṁ Nejiō maan jān Ijijt.

[16] Innām Herod, ke e jeļā bwe ri kanpil raar kajekdoḡon e, eļap an illu, im ej jilkinļok im ḡan ļadik ro otemjej rej pād ilo Betleem im āne otemjej iturin, rūttaer ruo iiō im redik jān er, āinwōt tōr eo e ar kanooj jeļā kake jān ri kanpil ro.

[17] Innām ar kaḡool naan ri kanaan Jeremaia e ar kōnono, im ba,

[18] Ar roñ ainikien i Rema, limō, im jañ, im liaajļoļ, Rejel e jañōt ro nejin; im bwe re jako, e jab kōḡaan bwe armej ren kaaenōḡḡan būruen.

[19] A ke Herod emej, lo, enjeļ in Irooj ej weaaktok ilo tōḡak ñan Josep i Ijijt,

[20] Im ba, kwōn jerkak im bōk ļadik im jinen, im ilok ñan āne in Israel: bwe re mej ro raar kōḡaan ḡan ļadik ņe.

[21] Im ej jerkak, im bōk ļadik im jinen, im itok ñan āne in Israel.

[22] A ke ej roñ bwe Arkileōs ej Irooj ioon Judia, im pinej jenkwān Herod jemen, e lōļḡoñ in ilok ñan āne eo: a Anij ej kauwe e ilo tōḡak bwe en ilok ñan jet āne ḡōttan Galili;

[23] Im ej itok im jokwe ilo jikin

kwelok etan Nazeret: bwe en kaḡool naan ri kanaan raar ba, Re naaj likūt etan Ri Nazeret.

### JEPTA 3

[Ma 3.1] Ilo raan ko Jon, ri peptaij, e ar itok, im kwaļok ilo āne jeḡaden in Judia,

[2] Im ba, Koḡwin ukeļok ippemi, bwe aelōñ in lañ epaak.

[3] Bwe e in eo ri kanaan Aiseia e ar kōnono kake, im ba, Ainikien juon ej lamōj i āne jeḡaden, Koḡwin kapoj ial an Irooj, im kajimwe ial ko An.

[4] Im Jon in ej balle kōn nuknuk kooļan kamel, im kōpooļ ipin kōn kañūr kilin kidu; im kijen lokōs ko im ōne awiia.

[5] Innām ri Jerusalem, im ri Judia otemjej, im ri āne otemjej iturin Jordan rej ilok ñan ippān;

[6] Im ej peptaij er ilo Jordan, im rej kwaļok jerowiwī ko aer.

[7] A ke ej lo elōñ Parisi im Saddusi rej itok ñan an peptaij, e ba ñan er, O bwijin vaiper ko, wōn e ar kauwe kom bwe koḡwin ko jān illu e naaj itok?

[8] Innām koḡwin jebar im lle ekkar ñan ami ukeļok:

[9] Im koḡwin jab ļōḡḡak ilo būruemi, im ba, Ebream e jememwōj: bwe ij ba ñan kom, Anij ej maroñ in kejerkak ro nejin Ebream jān dekā kein.

[10] Im kiiō eḡoj likūt ūlūl i okran wōjke ko... innām wōjke otemjej re jab jebar im eḡḡan leir, rej jeki im julok ilo kijeek.

[11] Ņa ij peptaij kom kōn dān ilo ukeļok ippemi: a Eo ej itok ālikū eļap an kajoor jān eō, ballin neen I patkake in bōki: E naaj peptaij kom kōn Jetōb Kwōjarjar im kijeek:

[12] An deel ej ilo pein, im E naaj kanooj karreoik jikin noe wit; im aintok wit eo An ḡa ilowan imōn wit; a E naaj tile kilin wit ilo kijeek re ban kune.

[13] Iien eo Jijej ej itok jān Galili ñan Jordan, ñan ippān Jon, bwe en peptaij E.

[14] A Jon ej bōbrae E, im ba, Eḡḡan Kwōn peptaij eō, im Kwōj itok ñan ippa ke?

[15] Im Jijej e uwaak im ba ñan e, Kwōn jab bōbrae Eō kiiō: bwe ekkar āindein arro kaḡool eḡḡan otemjej. Innām e jab bōbrae E.

[16] Im ke emōj an Jijej peptaij, emōkaj An ato jān dān: im lo, e mejaļ ļok lañ ñan E, im Ej lo Jetōb ōn Anij ej kālaļtak āinwōt muļe, im jok ioon;

[17] Im lo, ainikien jān lañ ej ba, E in Nejiō jitōnbōro ippa, Ij mōñōñō kake.

#### JEPTA 4

[Ma 4.1] Iien eo Jetōb ej āñinļok Jijej ñan āne jemaden bwe tepiļ en kapo E.

[2] Im ke Ej jitlok eñoul raan im eñoul boñ, tokālik E kwōle.

[3] Im ri kapo ej itok ñan ippān im ba, Eļāñne Nejin Anij kwe, Kwōn jiroñ dekā kein bwe ren erom bred.

[4] A E uwaak im ba, Ar jeje, Armej e jāmin mour kōn bred wōt, a kōn naan otemjej rej waļoktok jān loñin Anij.

[5] Innām tepiļ ej āñinlōñļok E ñan ilowan jikin kwelok ekwōjarjar; im kajijet E ņa ioon kijmen tempel eo,

[6] Im ba ñan E, Eļāñne Nejin Anij kwe, Kwōn kālaļļok: bwe ar je, E naaj jiroñ enjeļ ro An kōn Eok; im re naaj bōur Eok ioon peir bwe Kwōn jab itaak niom ilo dekā.

[7] Jijej ej ba ñan e, Ar bar je, Kwōn jab kapo Irooj am Anij.

[8] Tepiļ ej bar āñinlōñļok E ñan juon toļ e kanooj utiej, im kaalwōj E kōn aelōñ in laļ otemjej; im aer aiboojoj;

[9] Im e ba ñan E, Men kein otemjej I naaj lewōj ñan Eok, eļāñne Kwō naaj pedo im kabuñ ñan eō.

[10] Im Jijej ej ba ñan e, Kwōn ilok, Setan: bwe ar je, Kwōn kabuñ ñan Irooj am Anij, im kwōn jermal ñan E wōt.

[11] Innām tepiļ ej ilok jān E, im lo, enjeļ ro rej item jipañ E.

[12] Im ke Jijej ej roñ bwe Jon ej pād ilowan prisōn, Ej ilok ñan Galili;

[13] Im ke Ej ilok jān Nazeret, Ej item jokwe i Kaperneum epaak ñan lomaļo, i tōrerein āne ko Zebulōn im Naptelai:

[14] Bwe en kaņool naan Aiseia ri kanaan e ar kōnono, im ba.

[15] Āne in Zebulōn im āne in Naptelai ijo iturin lomaļo, i eañin Jordan, Galili an ri aelōñ ko,

[16] Armej ro raar pād ilo marok rej lo eļap meram; im ro raar pād i āne im jikin annañinmej, meram ej waļoklōñ ñan er.

[17] Jān tōr eo Jijej ej jino An kwaļok, im ba, Koņwin ukeļok ippemi; bwe aelōñ in lañ epaak.

[18] Im ke Jijej ej etetal iturin lomaļo in Galili, Ej lo ruo jemjein jemjatin, Saimōn etan Piter, im Andru jaten, rej door ok i lojet; bwe ri eñōd erro.

[19] Im Ej ba ñan er, Koņwin ļoor Eō, im I naaj likūt koņro ri eñōd armej.

[20] Im emōkaj aer ilok jān ok ko aer im ļoor E.

[21] Im ke Ej ilok jān ijo, Ej lo bar ruo jemjein jemjatin, Jemes nejin Zebedi im Jon jaten, ilo wa ippān jemeir Zebedi, rej kanwōdi ok ko aer; im Ej kūrtoke erro.

[22] Im emōkaj aer to im ilok jān wa eo im jemeir im ļoor E.

[23] Im Jijej ej etetal ilo aolepen Galili im katakin ilo imōn kwelok ko aer, im kwaļok gospel an aelōñ in lañ, im kemour nañinmej otemjej im mōjņo otemjej ippān armej raņ.

[24] Im E buñbuñlok ilo aolepen Siria; im rej böktok ñan E ri nañinmej otemjej, ro dāpij er kōn jabdewōt nañinmej im eñtaan ko, im ro timoṇ raar moḵ ṇa ānbwinneir, im ro romōjoliñir, im ro raar akā; im Ej kemour er.

[25] Im eḷap jar an armej rej ḷoor E jān Galili, im jān Dekapolis, im jān Jerusalem, im jān Judia, im jān reeaar in Jordan.

## JEPTA 5

[Ma 5.1] Im ke Ej lo jar ko, Ej wanlōñlok ñan toḷ: im ke Ej jijet, ri kaḷooran rej itok ñan ippān;

[2] Im Ej waḷaṇi loñin, im katakin er, im ba,

[3] Eṃōṇōṇō ro rej jeraṃōl ilo būrueir, bwe aer aelōñ in lañ.

[4] Eṃōṇōṇō ro rej būromōj: bwe naaj kaaenōṃṃan er.

[5] Eṃōṇōṇō ro ettā būrueir; bwe re naaj jolōt laḷ.

[6] Eṃōṇōṇō ro rej kwōle im maro kōn Kwōjarjar; bwe re naaj mat.

[7] Eṃōṇōṇō ro rej tūriaṃo; bwe naaj tūriaṃokake er.

[8] Eṃōṇōṇō ro erreō būrueir; bwe re naaj lo Anij.

[9] Eṃōṇōṇō ro ri kōllaajrak; bwe naaj ṇaetaer ro nejin Anij.

[10] Eṃōṇōṇō ro eṃōj matōrtōr er kōn aer Kwōjarjar; bwe aer aelōñ in lañ.

[11] Eṃōṇōṇō kom ñe armej re naaj kajjirere kake kom, im matōrtōr kom, im naaj ba naan ko renana otemjej ṇae kom, riab wōt, kōn Ña.

[12] Komwin lañlōñ, im kanooj buñbūruemi: bwe eḷap jinōkjeej ñan kom i lañ: bwe āindein aer matōrtōr ri kanaan ro moḵta jān kom.

[13] Kom joḷ in laḷ: a eḷaññe joḷ ejako nemān, naaj kejatōk e kōn ta? Innām enana, im rej joḷok e, im armej rej juuri.

[14] Kom meram in laḷ. Jikin kwelōk eo ej pād ioon toḷ, re ban ṇooje.

[15] Armej re jab tile ḷaam im likūt e iuṃwin jāpe, a ioon jikin ḷaam; im ej kamramḷok ro otemjej ilowan im.

[16] Āindein en romaak ami meram iṃaan mejan armej, bwe ren lo ami jermal ko reṃṃan, im nōbar Jememi i lañ.

[17] Komwin jab ḷōmṃak bwe I ar iten koḵkure kien, ak an ri kanaan ro katak: I ar jab iten koḵkure a kajejjeti.

[18] Bwe eṃool ij ba ñan kom, Ñan tōr eo lañ im laḷ re jako, juon kakōḷle edik ak juon jabōn edik e jāmin jako jān kien, ñan tōr eo naaj kajejjet men ko otemjeḷok.

[19] Innām jabdewōt eo e naaj koḵkure juon iaan kien ko redik, im naaj katakin armej āinwōt, naaj likūt e ediktata ilo aelōñ in lañ; a jabdewōt eo e naaj pokake im katakini, naaj likūt e in ḷap ilo aelōñ in lañ.

[20] Bwe Ij ba ñan kom, Eḷaññe ami kwōjarjar e jāmin ḷap jān eo an skraib ro im Parisi ro, kom jāmin deḷoñ in lañ.

[21] Kom ar roñ bwe ar ba ñan rūtto ro, Kwōn jab uror; im jabdewōt eo e naaj uror e naaj uwōta kōn ekajet eo;

[22] A Ij ba ñan kom, Jabdewõt eo ej illu ñan jein im jaten e naaj uwõta kõn ekajet eo: im jabdewõt eo e naaj ba ñan jein im jaten, Reka, e naaj uwõta kõn ri pepe: a jabdewõt eo e naaj ba, Kwõ bwebwe, e naaj uwõta kõn kijeek i Geena.

[23] Innām eļañne kwõj katok kõn aṃ joortak i lokatok, im ijo kwõj keememej bwe ewor aṃ nana ñan jiom im jatiõṃ,

[24] Kwõn likūt aṃ joortak ṅa imaan lokatok, im ilok; kwõn kaaenõṃṃan jiom im jatiõṃ ṃokta, innām item katok.

[25] Kwõn jarõbṃõkaj im medek ri kõjdate eok ñe kwõj pād ippān ilo ial; eļañne jab āinwõt, juon iien bõlen ri kõjdat e naaj ketak eok ñan Irooj in ekajet, im Irooj in ekajet e naaj ketak eok ñan ri kabõjrak, im joļok eok ṅa ilowan prisõn.

[26] Eṃool Ij ba ñan eok, Eļap aṃ ban itok jān ijo ñan tõr eo kwõj kõļļā ṃAn otemjej jeļok.

[27] Kom ar roñ bwe ar ba, Kwõn jab ļõñ;

[28] A Ij ba ñan kom, Jabdewõt eo ej kallimjek kõrā im mejkaiie eṃõj an ļõñ ippān ilo būruen.

[29] Im eļañne mejõṃ anbwijmaroñ ej kejerõwiwi eok, kwõn itūki im joļoke jān eok; bwe eṃṃan ñan eok, ñe ejako juon iaan raam, im en jab joļok aolepen ānbwinniõṃ ilo Geena.

[30] Im eļañne anbwijmaroñõṃ ej kejerõwiwi eok, bukwe im joļoke jān eok: bwe eṃṃan ñan eok ñe ejako juon iaan raam, im en jab joļok aolepen ānbwinniõṃ ilo Geena.

[31] Im ar barāinwõt ba, Jabdewõt eo e naaj joļok lio pāleen, en leļok ñan e jeje in kötļok;

[32] A Ij ba ñan kom, Jabdewõt eo e naaj joļok lio pāleen, eļañne jab kõn ļõñ, ej kaļõñ e bwe en ļõñ: im jabdewõt eo e naaj pāleek lio ar joļoke ej ļõñ.

[33] Bar juon, kom ar roñ bwe ar ba ñan rūtto ro, Kwõn jab kanejneṃ kõn naan in riab, a kwõn kaṃool ñan Irooj men ko kwõj kanejneṃ kaki:

[34] A Ij ba ñan kom, Komwin jab kanejneṃ; jab kõn lañ, bwe an Anij tūroon:

[35] Jab kõn la, bwe eran neen: jab kõn Jerusalem bwe jikin kwelok an Kiñ ļapļap.

[36] Im kwõn jab kanejneṃ kõn bõram, bwe kwõ jab maroñ kõṃṃan juon kooļ bwe en mouj ak kilmeej.

[37] A en ami naan Aet, aet; Jab, jab: bwe jabdewõt eo ewor jān naan kein ej itok jān eo enana.

[38] Kom ar roñ bwe ar ba, Mej en ṅaoṅān mej, im ñi en ṅaoṅān ñi:

[39] A Ij ba ñan kom, Komwin jab jojobe eo ej nana; a jabdewõt eo e naaj ubrare anbwijmaroñ in jepaṃ, kwõn bar oktak ñan jimattan.

[40] Im eļañne juon armej e kõṅnaan kwaļok eok ñan ekajet, im bõkļok aṃ kopā, kwõn bar āinwõt leļok ñan e aṃ koṃj.

[41] Im jabdewõt eo e naaj kamakokoik eok, bwe kwõn ilok ippānļok ilo juon ṃamil, en ruo alen aṃ ilok ippānļok.

[42] Kwõn leļok ñan eo ej kajjitõk ippaṃ, im eo e kõṅnaan karoñ eok kake, kwõn jab oktak jān e.

[43] Kom ar roñ bwe ar ba, Kwõn yokwe ri turõṃ, im kūtõtõkake ri kõjdate eok.

[44] A Ij ba ñan kom, Komwin yokwe ro ri kõjdate kom, im jar kõn ro rej matõrtõr kom;

- [45] Bwe komwin ro nejin Jememwōj i lañ: bwe Ej kotak aļ ioon ro renana im ioon ro remman, im kowōt ioon ro rewānōk im ioon ro re jab wānōk.
- [46] Bwe eļañne komij yokwe ro rej yokwe kom, ta jinōkjeej ñan kom? ri tōl owōj re jab kōmman āinwōt ke?
- [47] Im eļañne komij yokyokwe ro jeōmi im jatōmi wōt, ewi eļap ami kōmman jān ro jet? ri aelōñ ko re jab kōmman āinwōt ke?
- [48] Innām kom naaj weepñān āinwōt Jememwōj i lañ E weepñān.

## JEPTA 6

- [Ma 6.1] Kōjparok bwe komwin jab kōmanman ami kwōjarjar imaan mejan armej bwe ren lo kom; eļañne jab āinwōt, ejjeļok oņeami ippān Jememwōj i lañ.
- [2] Innām ñe kōmman aņ mweiiēn tūriamo, kwōn jab jilel imaan, āinwōt an ro ri jeļā moņ kōmanman ilowan imōn kwelok ko, im ilo ial ko, bwe armej ren nōbar er. Eņool Ij ba ñan kom, Eņōj aer bōk oņāer.
- [3] A ñe kwōj kōmman am mweiiēn tūriamo, anmiiñōm en jab jeļā men eo an anbwijmaroñōm kōmman;
- [4] Bwe en ettino aņ mweiiēn tūriamo: im Jemaņ eo Ej lo ilo ettino, E naaj ñaoneaņ.
- [5] Im ñe komij jar, komwin jab āinwōt ro ri jeļā moņ: bwe re kōnaaņ jutak im jar ilowan imōn kwelok ko im i kāboņ in ial ko, bwe armej ren lo er. Eņool Ij ba ñan kom eņōj aer bōk oņāer
- [6] A kwe, ñe kwōj jar, kwōn deļoņ ilowan jikōm ettino im ñe eņōj kiil aņ aor, kwōn jar ñan Jemaņ ej pād ijo ettino; im Jemaņ ej lo ijo ettino, E naaj ñaoneaņ.
- [7] Im ñe komij jar, komwin jab ālij pata āinwōt ro ri pegan: bwe rej ļōmņak naaj roņjake er kōn an lōñ aer kōnono.
- [8] Innām komwin jab kajjioņe er; bwe Jememwōj e jeļā men ko komij aikuj mohta jān ami kajjitōk ippān.
- [9] Innām en wāween deiņ ami jar. Jememwōj i lañ, En Kwōjarjar Etaņ.
- [10] En itok Aņ aelōñ. Ren kōmanman ankil Aņ āinwōt i lañ, barāinwōt ioon laļ.
- [11] Rainin kwōn letok ñan kōm kijem rainin.
- [12] Im joļok amwōj muri ippaņ, āinwōt kōm ar joļok an armej muri ippem:
- [13] Im jab kadeļoņ kōm ilo kapo, a loņoņren kōm jān eo enana. Bwe Am aelōñ, im kajoor, im aibojoj indeeo. Amen.
- [14] Bwe eļañne komij jeorļok bōd ko an armej, barāinwōt Jememwōj i lañ E naaj jeorļok bōd ko ami.
- [15] A eļañne kom jab jeorļok bōd ko an armej, barāinwōt Jememwōj e jāmin jeorļok bōd ko ami.
- [16] Bar juon, ñe komij jitlok, komwin jab kōmmeñ āinwōt ro ri jeļā moņ: bwe rej kananaik turin mejeir, bwe armej ren lo aer jitlok. Eņool Ij ba ñan kom, Eņōj aer bōk oņāer.
- [17] A kwe ñe kwōj jitlok, kwōn kapit bōraņ, im kwaļe turin mejōm;

- [18] Bwe am jitolok en jab walok ñan armej, a ñan Jemañ ej lo ijo ettino: im Jemañ ej lo ijo ettino E naaj ñaoneam.
- [19] Komwin jab koorlok mweiuk ñan kom ioon la], ijo dile im jo rej kañi, im ijo ro ri koqot rej rupe im koqote:
- [20] A komwin koorlok mweiuk ñan kom i lañ, ijo dile im jo re jab kañi, im ijo ro ri koqot re jab rupe im koqote:
- [21] Bwe ijo mweiom ej pad, barainwot buruom e naaj pad ie.
- [22] Jaam in anbwini mej: innam eñañe emman mejom, aolepen anbwinniom e naaj obrak kon meram.
- [23] A eñañe enana mejom, aolepen anbwinniom e naaj obrak kon marok. Innam eñañe meram ilowan emarok, e kanooj lap an marok.
- [24] Ejjelok armej e maron pokake ruo Irooj; bwe e naaj kojdate juon im yokwe eo juon; ak e naaj dapij juon im kajekdon eo juon. Kom ban ri korijeran Anij im mweiuk.
- [25] Innam Ij ba ñan kom, Komwin jab inepata buruemi kon ami mour, ta eo kom naaj mona, ak ta eo kom naaj idak; im barainwot kon anbwinnemi, ta kom naaj balle. Mour e jab lap jan ekkak ke, im anbwini e jab aorok jan balle ke?
- [26] Komwin kallimjeke bao ko i mejatoto, bwe re jab jeor ak madmod ak aini na ilowan imon ekkak, im Jemewoj i lañ Ej naajdik er. Kom jab aorok jan er ke?
- [27] Won iaami kon inepata buruen e maron in kaitoklok an mour ilo juon mokwoj in pa?
- [28] Im etke ami inepata boro kon balle? Komwin lomnak kon kieb ko ilo jikin kallib, ekojkan aer eddek;re jab jermal im re jab irap;
- [29] Im Ij ba ñan kom, Bwe an Solomon woj otemjej ilo an lotlot e jab ainwot juon iaan men kein.
- [30] Im eñañe aindein an Anij kalotlot mar ko ilo jikin kallib, rej rainin im ilju jolok ilo um, e jab laplok An naballimi ke? O komeo, edik ami tomak!
- [31] Innam komwin jab inepata buruemi in ba, Ta je naaj mona? Ak ta je naaj idak? Ak e naaj kojkan ad balle?
- [32] Bwe ro ri aelon ko rej pukot men kein otemjej; bwe Jemewoj i lañ E jela ami aikuj men kein otemjej.
- [33] A komwin pukot mokta aelon in Anij, im Kwodarjar eo An; im naaj koorlok men kein otemjej ñan kom
- [34] Innam komwin jab inepata buruemi kon ilju; bwe ilju e naaj inepata kon men ko an. Nana ilo raan ej bwe ñan raan eo.

## JEPTA 7

[Ma 7.1] Komwin jab ekajet bwe en jab ekajet kom.

[2] Bwe ilo ekajet eo komij ekajet kake, naaj ekajet kom: im ilo joñak eo komij joñak kake, naaj bar joñak ñan kom.

[3] Im etke kwoj kallimjek pelok edik ilowan mejan jiom im jatiom a jab lomnak kon wjke ilowan mejom?

- [4] A ekōjkan aṃ ba ñan jiom im jatiōm, In joḷok pelok edik jān mejōm; im lo, wōjke ej pād ilowan mejōm?
- [5] Kwe ri jeḷā moṃ, kwōn joḷok wōjke eo jān mejōm moṃta; innām kwō naaj loḷokjeṃ im joḷok pelok edik jān mejan jiom im jatiōm.
- [6] Koṃwin jab leḷok men eo ekwōjarjar ñan kidu rorror ko, im jab julok bōōr ko ami imaan piik ko, ñe re ab juuri kōn loḷpiden neir, im oktak im koḷkure kom.
- [7] Kajjitōk im naaj lewōj ñan kom; kapukōt im kom naaj lo; kaḷḷaḷḷa, im naaj kapelḷok ñan kom:
- [8] Bwe eo ej kajjitōk ej bōk, im eo ej kapukōt ej lo, im eo ej kaḷḷaḷḷa naaj kapelḷok ñan e.
- [9] Ak wōn armej iaami, eḷaṃṃe nejin eṃṃaan ej kajjitōk bred, e naaj leḷok ñan e deka?
- [10] Ak eḷaṃṃe ej kajjitōk ek, e naaj leḷok ñan e jedpānit ke?
- [11] Innām eḷaṃṃe kom, ri nana, kom jeḷā leḷok men ko reṃṃan ñan ro nejadi, ekōjkan e jab ḷaḷok an Jemewōj i laṃ leḷok men ko reṃṃan ñan ro rej kajjitōk ippān ke?
- [12] Innām men otemjej jabdewōt komij kōṃaan bwe armej ren kōṃanṃan ñan kom, en āindein ami kōṃanṃan ñan er: bwe men in kien im ri kanaan ro.
- [13] Koṃwin deḷoṃ ilowan kōjām e rāniṃ; bwe e depakpak kōjām, im e dilep ial eo ej tōl ḷok ñan mej, im elōṃ ro rej deḷoṃ ie;
- [14] Bwe e rāniṃ kōjām, im e aidik ial eo ej tōl ḷok ñan mour, im e iiet ro rej loe.
- [15] Koṃwin kōjparok kom jān ri kanaan riab, ro rej itok ñan ippemi kōn wāween jiiip, a ilo būrueir āinwōt oḷip ko re lāj.
- [16] Kom naaj jeḷā kajjieir kōn leir. Armej rej ḷotḷot grep jān kālōklōk ko, ak fig jān mar kuj ke?
- [17] Āindein wōjke eṃṃan otemjej rej jebar im eṃṃan leir; a wōjke enana e jebar im enana leen.
- [18] Wōjke eṃṃan e ban jebar im enana leen; barāinwōt wōjke enana e ban jebar im eṃṃan leen.
- [19] Wōjke otemjej re jab jebar im eṃṃan leir, jeki im julok ilo kijeek.
- [20] Innām kom naaj jeḷā kajjieir kōn leir.
- [21] Jab otemjej rej ba ñan Eō, Irooj, Irooj, re naaj deḷoṃtok ilo aelōṃ in laṃ; a eo ej kōṃanṃan ankilaan Jema ej pād i laṃ.
- [22] Elōṃ re naaj ba ñan Eō ilo raan eo, Irooj, Irooj, kōm ar jab rūkaanij kōn Etam ke? im kōṃanṃan elōṃ men in bwilōṃ kōn Etam ke?
- [23] Innām I naaj ba ñan er, I ar jaje kom: koṃwin ilok jān Eō, kom rej kōṃṃan nana.
- [24] Innām jabdewōt eo ej roṃjake naan kein Aō, im kōṃanṃan, naaj kajjioṃe er āinwōt armej eo e jeḷāḷokjeṃ, im ej kalōk ṃweo iṃōn ioon bar:
- [25] Im e buṃ wōt, im ibwijeplep, im ḷap kōto, im iuun iṃweo; im e jab buṃ; bwe eṃōj kalōke ioon bar.
- [26] Im er otemjej rej roṃjake naan kein Aō im jab kōṃanṃan, naaj kajjioṃe er āinwōt armej eo e jajeḷokjeṃ, im ej kalōk ṃweo iṃōn ioon bok:
- [27] Im e buṃ wōt, im ibwijeplep, im ḷap kōto, im iuun iṃweo; im ej buṃ: im eḷap an buṃ.

[28] Im ke Jijej ej kajeml̥ok naan kein, jar ko rej bwilōñ kōn An katak;

[29] Bwe E ar katakin er āinwōt Irooj, im jab āinwōt skraib ro aer.

## JEPTA 8

[Ma 8.1] Im ke emōj An wanlaṭtak jān toṭ eo, eṭap jar ko rej ḷoor E.

[2] Im lo, juon lōba ej itok im kabuñ ñan E, im ba, Irooj, eḷaññe kwō kōṇaan, kwōj maroñ karreo eō.

[3] Im Jijej ej erḷoke pein, im uññūr e, im ba, I kōṇaan, kwōn erre. Im emōkaj an nañinmej in lōba jako im ej erre.

[4] Im Jijej ej ba ñan e, Lale bwe kwōn jab kōnnaanōk jabdewōt armej; a kwōn ilok im kwaḷok eok ñan pris eo, im leḷok joortak eo Moses e ar jiroñ, kōn men in kōnnaan ñan er.

[5] Im ke Jijej e ar deḷoñ ilo Kaperneum, juon senturiōn ej itok ñan ippān im akweḷap ñan E,

[6] Im ba Irooj, ri korijera ej babu ilowan im e nañinmej kōn akā im eḷap an eñtaan.

[7] Im Jijej e ba ñan e, I naaj ilem kemour e.

[8] Senturiōn ej uwaak im ba, Irooj Ij patkake kōn am itok iumwin aō kejenwan; a Kwōn ba naan wōt, im ri korijera e naaj mour.

[9] Bwe ña juon armej ettā jān irooj, im ewor ri tariṇae rej ettā jān eō; im ij ba ñan juon, Kwōn ilok im ej ilok: im ñan bar juon, Kwōn itok, im ej itok; im ñan ri korijera, Kwōn kōmmanman men in, im ej kōmmane.

[10] Ke Jijej ej roñ E bwilōñ im ba ñan ro rej ḷoor E, Emool Ij ba ñan kom, I ar jab lo tōmak eḷap im āinwōt ilo Israel.

[11] Im Ij ba ñan kom, Bwe elōñ re naaj itok jān reear im jān kapilōñ, im re naaj jibadek ippān Ebrean, im Aisak, im Jekōb ilo aelōñ in lañ.

[12] A ro nejin aelōñ eo naaj joḷok er ṇa ilo kapin marok; ijo naaj jañ im ñi ḷaḷaḷ.

[13] Im Jijej ej ba ñan senturiōn eo, Kwōn ilok; im āinwōt am tōmak, en āindein kōmman ñan eok. Im ri korijeran ej mour ilo awa eo wōt.

[14] Im ke emōj an Jijej deḷoñ ilowan imōn Piter, Ej lo jilben Piter ej babu, im e nañinmej kōn bwil.

[15] Im Ej uññūr pein, im nañinmej in bwil ej ilok jān e; im ej jerkak im jerbāl ñan E.

[16] Ke ejota, rej bōktok ñan E elōñ ro timoṇ raar moḷ ṇa ānbwinneir: in Ej kajutakḷok jetōb ro kōn juon naan im kemour ro otemjej re nañinmej;

[17] Bwe en kamool an Aiseia ar kōnono, im ba, E make wōt bōk mōjṇo ko ar, im bōkḷok nañinmej ko ad.

[18] A ke Jijej ej lo eḷap jar ko rej kōpool E, ej jiroñ bwe ren ilok ñan lomaḷo jabuweo.

[19] Im juon skraib ej itok, im ba ñan E, Ri Kaki, I naaj ḷoor eok ijo jabdewōt Kwōj ilok ie ḷok.

[20] Im Jijej ej ba ñan e, Kidu jākol ewor roñ aer, im bao in mejatoto ewor eleir; a Nejin armej ejjelok jikin An kababu bōran.

[21] Im bar juon iaan ro ri kaḷooran ej ba ñan E, Irooj, Kwōn kōtḷok eō bwe in ilok moḷta im kalbwīn jema.

[22] A Jijej ej ba ñan e, kwōn ḷoor Eō; im likūt ro re mej bwe ren kalbwīn aer ri mej.

- [23] Im ke emōj An uwe ioon wa, ro ri kalooran rej ļoor E.
- [24] Im lo, lañ eļap ej buñ ioon loṃaļo, āinwōt bwe ɲo ko rej kalbubu wa eo: a Ej kiki.
- [25] Im ri kalooran rej itok ñan E, im kɔruj E, im ba, Irooj, kwōn lɔmɔɔr, kōmij jako.
- [26] Im Ej ba ñan er, Etke komij lōļņoņ, O kom edik ami tōmak? Innām Ej jerkak, im kauwe kōto ko im loṃaļo; im e kanooj lur.
- [27] A armej re bwilōñ im ba, Ie āin ļeiō: bwe kōto ko im loṃaļo rej pokake?
- [28] Im ke emōj An itok ñan loṃaļo jabuweo ilo ānen ri Gadara, Ej ioon ruo armej tiṃoņ raar mɔk ɲa ānbwinneir, rej itok jān wūliej ko, im re kanooj ļāj bwe enjeļļok armej ej maroņ in itoitak ilo ial eo.
- [29] Im lo, rej lamōj im ba, Ta eo ippem im ippam, Kwe Nejin Anij? Kwōj iten kaeñtaan kōm mɔkta jān iien ke?
- [30] Im etoļok jān er bwijin piik eļap rej mōñā.
- [31] Im tiṃoņ ro rej akweļap ñan E, im ba, Eļaññe Kwōj kajutakļok kōm, Kwōn jilkinļok kōm ñan lowaan bwijin piik.
- [32] Im Ej ba ñan er, Iļok. Im rej jutakļok im deļoņ ilowan bwijin piik: im lo, bwijin piik otemjej re kanooj ettōrlaļ ļok ijo e mɯwilaļ ñan lojet, im mej ilo dān.
- [33] Im ro raar naajdik er rej ko im ilok ñan jikin kwelok, im kōnnaan kōn men otemjej, im kōn ro tiṃoņ raar mɔk ɲa ānbwinneir.
- [34] Im lo, ri jikin kwelok eo otemjej rej iten ioon Jijej: im ke rej lo E, rej akweļap ñan E bwe En ilok jān āne ko āneir.

## JEPTA 9

- [Ma 9.1] Im Ej uwe ioon wa, im tōl ļok, im tōkeak ļok ilo jikin kwelok eo An.
- [2] Im lo, rej bōktok ñan E juon armej e nañinmej kōn akā, ej babu ioon kinien; im ke Jijej ej lo aer tōmak, Ej ba ñan ļeo e nañinmej kōn akā, Nejiō, kwōn peran; emōj jeorļok jerɔwiwi ko am.
- [3] Im lo, jet iaan skraib ro re ba ilo būrueir, Armej iņ ej blaspim.
- [4] Im Jijej e jeļā aer ļōmņak im ba, Etke komij ļōmņak nana ilo būruemi?
- [5] Bwe ewi iaer e mōrā in ba, Emōj jeorļok jerɔwiwi ko am; ak, Kwōn jerkak im etal?
- [6] A bwe koṃwin jeļā Nejin armej e maroņ ioon laļ bwe En jeorļok jerɔwiwi, (innām Ej ba ñan eo e nañinmej kōn akā) Kwōn jerkak im bōk kiniōm, im ilok ñan mweo iṃōm.
- [7] Im ej jutak, im etal ñan mweo iṃōn.
- [8] Im ke jar ko rej loe, re lōļņoņ, im nōbar Anij, eo e ar leļok maroņ āinwōt iņ ñan armej.
- [9] Im ke Jijej ej etal jān ijo, Ej lo juon armej, etan Matu, ej jijet ilo jikin owōj: im E ba ñan e, Kwōn ļoor Eō. Im e jutak im ļoor E.
- [10] Im ke Ej jibadek im mōñā ilowan im, lo, elōñ ri tōl owōj im ri jerɔwiwi rej itok im jibadek ippān im kab ro ri kalooran.
- [11] Im ke Parisi ro rej loe, re ba ñan ro ri kalooran, Etke ami Ri Kaki ej mōñā ippān ri tōl owōj im ri jerɔwiwi raņ?
- [12] A ke Ej roņjake, E ba, Ri ājmour re jab aikuj rū uno, a ro re nañinmej wōt.

[13] A komwin ilen katak rāpeļtan men iņ, I kōņaan tūriamo im jab katok: bwe I ar jab iten kūrtoke ro remman, a ro ri jerowiwī.

[14] Iien eo ri kaļooran Jon rej itok ñan ippān, im ba, Etke kōm, im ro ri kaļooran Parisi raņ, kōmij jitolok makij, a ri kaļooran re jab jitolok?

[15] Im Jijej ej ba ñan er, Ro jeran ļeo pālele, rej maroņ būromōj ilo iien eo ļeo ej pād ippaer ke? a raan ko re naaj itok ñe naaj bōkļok ļeo jān er, im iien eo re naaj jitolok.

[16] Ejjeļok armej ej karpēn mōttan nuknuk e jaņin jān ñan nuknuk emor; bwe mōttan eo e jaņin jān ej kekeel nuknuk eo, im eļapļok an potak.

[17] Im armej re jab etteiņ wain ekāal ilo bōkā ko remor; im eļañne āinwōt, bōkā ko rej rup, im wain etōor ļok, im bōkā ko re jako: a rej etteiņ wain ekāal ilo bōkā ko rekāal im rejro pād.

[18] Ke Ej kōnono men kein ñan er, lo, juon Irooj ej itok, im kabuņ ñan E, im ba, Nejiō ledik e mej kiiō; a Kwōn itok im likūt peim ioon, im e naaj mour.

[19] Im Jijej e jutak im ļoor e, kab ro ri kaļooran.

[20] Im lo, juon kōrā, e ar naņinmej kōn tōor ļok bōtōktōk iumwin joņoul im ruo iiō, ej itok ilikin, im uņņūr tōrerein nuknuk eo an;

[21] Bwe e ar ba ilo būruen, Eļañne ij uņņūr wōt an nuknuk, I naaj mour.

[22] A Jijej ej oktaklik, im ke Ej lo e, E ba, Nejiō kwōn peran; am tōmak e ar kemour eok. Im kōrā eo ej mour jān awa eo.

[23] Im ke Jijej ej itok ilowan imōn irooj eo, im lo ro ri kōjaņjaņ im armej ro rej limō,

[24] E ba ñan er, Komwin diwōjļok bwe jiroņ e jab mej, a ej kiki. Im rej kajjirere kake.

[25] A ke emōj kadiwōjļok armej, Ej deļoņ ilowan, im kabwijere pein, im jiroņ eo ej jerkak.

[26] Im e buņbuņļok men iņ ilo aolepen āneo.

[27] Im ke Jijej ej ilok jān ijo, ruo armej re pilo rej ļoor E, im lamōj, im ba, Kwe Nejin Devid, kwōn tūriamokake kōmro.

[28] Im ke emōj an itok ilowan mweo, ro re pilo rej itok ñan ippān; im Jijej ej ba ñan er, Komro tōmak bwe Ij maroņ kōmanman men iņ ke? Re ba ñan E, Aet, Irooj.

[29] Innām Ej uņņūr mejeir, im ba, Āinwōt ami tōmak, en āindein ñan kom.

[30] Im mejeir re loļokjeņ: im eļap an Jijej kauwe er, im ba. Lale bwe komwin jab kōnnaanōk jabdewōt armej.

[31] A erro, ke raar ilok, rej kabuņbuņļok E ilo aolepen āne eo.

[32] Im ke rej diwōj ļok, lo, ar āņintok ñan E juon armej e ban kōnono, im timoņ e ar moķ ña ānbwinnen.

[33] Im ke emōj an kajutakļok timoņ, eo e ban kōnono ej kōnono; im jar ko re bwilōņ, im ba, ar jab lo āinwōt, moķta ilo Israel.

[34] A Parisi ro re ba, Ej kajutakļok timoņ ro kōn irooj in timoņ ro.

[35] Im Jijej ej etetal ilo jikin kwelok ko otemej reļap im redik, Ej katakin ilowan imōn kwelok ko aer, im kwaļok gospel an aelōņ in laņ, im kemour ro re naņinmej otemej, im mōjņo otemej ippān armej raņ.

[36] A ke Ej lo jar ko, Ej tūriamokake er, bwe rej parōk, im jeplōklōk āinwōt jiiip ko ejjeļok aer seperd.

- [37] Innām Ej ba ñan ro ri kalooran, Eļap jonikōn, a e iiet ri jermal;  
[38] Innām koṃwin jar ñan Irooj in maḍmōd, bwe En jilkinlok ro ri jermal ilo jonikōn eo An.

## JEPTA 10

- [Ma 10.1] Im Ej kūrtoḱ joñoul im ruo ri kalooran ñan ippān im lelok ñan er kajoor ioon jetōb ettoon ro bwe ren kajutaklok er, im bwe ren kemour nañinmej otemjej im mōjṅo otemjej.
- [2] Im joñoul im ruo ri jelōk etaer kein; Eo mokta Saimōn āt eo juon Piter, im Andru jaten, Jemes nejin Zebedi im Jon jaten,
- [3] Pilip im Bartolomu, Tomas im Matu ri tōl owōj, Jemes nejin Alpiōs im Tadiōs,
- [4] Saimōn ri Kena, im Judas Iskariōt eo e ar ketak E.
- [5] Rein joñoul im ruo Jijej e ar jilkinlok im jiroñ er im ba. Koṃwin jab ilok ilo ial an ri aelōñ ko, im jab deļoñ ilo jabdewōt jikin kwelok an ri Sameria;
- [6] A eṃṃan koṃwin ilok ñan jiiip ko re jebwābwe, nukwin Israel.
- [7] Im ñe komij ilok, koṃwin kwaļok, im ba, Aelōñ in lañ epaak.
- [8] Kemour ro re nañinmej, kajerkakpeje ro raar mej, karreoik lōba ro, kajutaklok timoṅ ro: kom ar bōk im ejej oṅān, en āindein ami lelok.
- [9] Koṃwin jab eāt kooļ, im silver, im jiniboṅor ṅa ilowan kañūr ko ami;
- [10] Enjellok bōjō in ami etal, jab ruo kopā, jab ballin neimi, jab jokoṅ; bwe ri jermal ej tōllōkōn kijen.
- [11] Im ilo jabdewōt jikin kwelok eļap ak edik kom naaj deļoñ ie, koṃwin kajjitōk wōn eo eṃṃan ilowan; im ijo koṃwin pād ie ñan tōr eo komij diwōjlok.
- [12] Im ñe komij deļoñ ilowan jabdewōt im koṃwin yokyokwe e.
- [13] Im eļaññe eṃṃan ṃweo, ami aenōṃṃan en pād ioon: a eļaññe e jab eṃṃan ṃweo, en bar jepļaaktok ami aenōṃṃan ñan kom.
- [14] Im jabdewōt eo e jāmin bōk kom, im jab roñ naan ko ami, ñe komij ilok jān ṃweo ak jikin kwelok eo, koṃwin joken būñalñal jān neimi.
- [15] Eṃool Ij ba ñan kom, Āne Sodōm im Gomorra re naaj eṃṃan jān jikin kwelok eo ilo raan eo raan in ekajet.
- [16] Lo, Ij jilkinlok kom āinwōt jiiip ko ilo bwijin kidu oļip ko: innām koṃwin mālōtlōt āinwōt jedpānit ko im jouj āinwōt ṃuļe ko.
- [17] A koṃwin kōjparok kom jān armej: bwe re naaj ketak kom ñan ro ri pepe, im re naaj deñloke kom ilo iṃōn kwelok ko aer;
- [18] Im re naaj āñinlok kom ñan irooj ro im kiñ ro kōn ña, kōn men in kōnnaan ñan er im ri aelōñ ko.
- [19] A ñe rej ketak kom, koṃwin jab inepata būruemi ekōjkan ak ta kom naaj kōnono; bwe naaj lewōj ñan kom ilo awa eo men eo kom naaj ba.
- [20] Bwe e jab komeo komij kōnono, a Jetōb an Jememi ej kōnono ilo kom.
- [21] Im jein im jaten ṃaan e naaj ketak jein im jaten ṃaan ñan mej, im jemen e naaj ketak nejin; im nejir re naaj jutak juṃae jemeir im jineir im jarōklok bwe ren mej.
- [22] Im armej otemjej re naaj kōjdate kom kōn Eta: a eo ej kijenmej ñan jemlokōn naaj loṃoṅoren e.

- [23] A ñe rej matörtöre kom ilo juon jikin kwelok, komwin ko ñan bar juon: bwe emool Ij ba ñan kom, E jāmin mōj ami etetal ilo jikin kwelok ko an Israel mokta jān iien Nejin armej itok.
- [24] Ri katak e jab utiej jān an Ri kaki, im ri korijeran e jab utiej jān Irooj eo an.
- [25] Ej bwe ñan ri katak eļañne ej āinwōt ri kaki eo an, im ri korijeran āinwōt irooj eo an. Eļañne raar ñaetan Irooj in im Beelzebub, e naaj ļapļok aer ñaetan ro doon im āinwōt!
- [26] Innām komwin jab mijak er; bwe ejjeļok men eo e libubu im e jāmin eleklok; im ņooje im e jāmin waļok.
- [27] Men eo Ij ba ñan kom ilo marok, komwin kōnono kake ilo meram: im men eo komij roñ ilo ļojilñemi, komwin kwaļok ioon kejenwan ko.
- [28] Im komwin jab mijak ro rej man ānbwin, a jab maroñ man an: a emman komwin mijak Eo ej maroñ man an im ānbwin na ilo Geena.
- [29] Re jab wia ruo bao sparro kōn juon penni ke? im juon iaer e jāmin wōtļok ioon bwidej im Jememi e jab lale.
- [30] A emōj bwini kooļan bōrōmi otemjeļok.
- [31] Innām komwin jab mijak, eļap ami aorōk jān elōñ sparro.
- [32] Innām ro otemje re naaj kwaļok Eō imaan mejan armej, I naaj barāinwōt kwaļok er imaan mejan Jema ej pād i lañ.
- [33] A jabdewōt eo e naaj kaarmejjet Eō imaan mejan armej, I naaj bar āinwōt kaarmejjete imaan mejan Jema ej pād i lañ.
- [34] Komwin jab ļomņak bwe Ij itok bwe In jilkinļok aenōmman ioon laļ: I ar jab itok bwe In jilkinļok aenōmman, a jāje.
- [35] Bwe Ij itok bwe In kiojalļa armej ñan jemen, im nejin kōrā ñan jinen, im bar nejin kōrā ñan bar jinen.
- [36] Im ro an armej ri kōjdat re naaj ro nukwin.
- [37] Eo eļap an yokwe jemen ak jinen jān Eō, e patkake Eō; im eo eļap an yokwe nejin man ak kōrā jān Eō e patkake Eō.
- [38] Im eo e jab bōk an debwāal im ļoor Eō e patkake Eō.
- [39] Eo ej lo an mour, eñin e naaj jako jān e; im eo ej joļok an mour kōn Ña, e naaj lo e.
- [40] Eo ej bōk kom ej bōk Eō, im eo ej bōk Eō, ej bōk Eo e ar jilkintok Eō
- [41] Eo ej bōk ri kanaan ilo etan ri kanaan, e naaj bōk jinōkjeej an ri kanaan; im eo ej bōk armej ewānōk ilo etan armej ewānōk, e naaj bōk jinōkjeej an armej ewānōk.
- [42] Im jabdewōt eo e naaj leļok kein idaak dān emōļo limen ñan juon iaan rein redik, ilo etan ri kaļoor wōt, emool Ij ba ñan kom, e jāmin jako jinōkjeej eo an.

## JEPTA 11

[Ma 11.1] Im ke emōj an Jijej jiroñ joñoul im ruo ri kaļooran, Ej ilok jān ijo bwe En katakin im kwaļok ñan armej ilo jikin kwelok ko aer.

- [2] A ke Jon e ar roñ ilo prisōn jermal ko an Ri Kūraij, ej jilkinļok ro ri kaļooran,
- [3] Im ba ñan E, Kwe Eo ej itok ke, ak kōmij pukot bar juon?
- [4] Jijej e uwaak im ba ñan er, Komwin ilem kōnnaanōk Jon men ko komij roñjake im loi;
- [5] Ro re pilo rej loļokjeņ im ro re kūrro rej etetal, karreoik lōba ro, im ro re jaroñroñ rej roñļokjeņ, ro re mej rej jerkakpeje, im kwaļok gospel ñan ro ri jeramōl.

- [6] Im emōḡōḡō jabdewōt eo e jāmin tipñōl kōn Ña.
- [7] Im ke rej ilōk, Jijej e jino an ba ñan jar ko kōn Jon, Ta eo kom ar ilen alwōj ilo āne jemaden? Juon koba kōto ej idik ke?
- [8] A ta eo kom ar ilen alwōj? Armej ej kōḡak nuknuk emeoeo ke? Lo, ro rej kōḡak nuknuk meoeo rej ilowan mo ko imōn kiñ ro.
- [9] A etke kom ar ilōk? bwe koḡwin lo ri kanaan ke? Aet, Ij ba ñan kom, im eḡap jān ri kanaan.
- [10] Bwe e iḡ eo emōj jeje kōn e, Lo, Ij jilkinḡok ri jelōka imaan mejōm, eo e naaj kapoj am ial imaan.
- [11] Emool Ij ba ñan kom, Ejjeḡok juon e ar waḡok iaan ro rej ḡotak jān kōrā, eḡap jān Jon ri peptaj: a eo ej edik wōt i aelōñ in lañ ej eḡap jān e.
- [12] Im jān raan ko an Jon ri peptaj ñan iien in, rej kaiur er ñan aelōñ in lañ, im ro ri kaiur rej kate er, im tōpar e.
- [13] Bwe ri kanaan otemjej im kien raar rūkaanij ñan iien Jon.
- [14] Im eḡaññe kom kōḡaan bōk e, e in Elaija eo ej itok.
- [15] Eo ewor ḡjilñin bwe en roñ, en roñḡokjeḡ.
- [16] A I naaj kajjioñe āinwōt ta epepen in? Ej āinwōt ajri ro rej jijet ilo jikin wia, im kūrtoḡ doon,
- [17] Im ba, Kōm ar kōjañjañ ñan kom im kom ar jab eb; kōm ar limō ñan kom im kom ar jab jañ.
- [18] Bwe Jon e ar itok im jab mōñā im jab idaak, im rej ba, Tiḡoḡ ippān.
- [19] Nejin armej e ar itok im mōñā im idaak, im rej ba, Armej e mattia, im ej idaak wain, jeran ri tōl owōj im ro ri jerōwiwi. Im kowānōk jeḡḡḡokjeḡ kōn jermal ko an.
- [20] Iien eo E jino An eḡok jikin kwelōk ko ijo E ar kōḡanḡan elōñ men in bwilōñ An, bwe raar jab ukeḡok ippaer:
- [21] Wo ñan kwe, Korezin! Wo ñan kwe, Betseida! bwe eḡaññe I ar kōḡanḡan men in bwilōñ ko ilo Tair im Saidon, āinwōt I ar kōḡanḡan ilo koḡro, re naaj kar ukeḡok ippaer wōt eto ilo nuknuk ekilep iden im bwidej in upaaj.
- [22] A Ij ba ñan kom, Tair im Saidon re naaj emḡan jān koḡro ilo raan in ekajet.
- [23] Im kwe Kaperneum, naaj koutiej eok ñan lañ ke? Kwō naaj wanlaḡ ḡok ñan Hedis: bwe eḡaññe men in bwilōñ ko I ar kōḡanḡan ilo eok, ar kōḡanḡan ilo Sodōm e naaj kar pād ñan rainin.
- [24] A Ij ba ñan kom, Ilo raan in ekajet, āne Sodōm e naaj emḡan jān kwe.
- [25] Ilo iien eo Jijej e uwaak im ba, Ij kaḡḡoolol Eok O Jema, Irooj in lañ im laḡ, bwe Kwaar ḡooj men kein jān ro ri mālōtlōt im ri jeḡḡḡokjeḡ, im Kwaar kwaḡoki ñan niñniñ raḡ.
- [26] Aet, Jema: bwe emḡan āindein imaan mejōm.
- [27] Jema e ar letok men otemjej ñan Eō: im ejjeḡok en e jeḡā Nejin, a Jema wōt, im ejjeḡok en e jeḡā Jema, a Nejin wōt, im jabdewōt eo Nejin e kōḡaan kwaḡok E ñan e.
- [28] Koḡwin itok ñan ippa, kom otemjej rej jermal im ban, im I naaj kakkijeik kom.
- [29] Koḡwin bōk Aō ine im likūte i aerami, im katak ippa; bwe Ij ineemḡan im ettā būruō: im kom naaj lo an ami kakkije.
- [30] Bwe Aō ine ej emḡan, im men eo Ij inek e e mōrā.

## JEPTA 12

[Ma 12.1] Ilo iien eo Jijej e ar etal iumwin raan in Jabõt ilo jikin kallib korn ko; im ri kalooran rej kwõle, im jino Jote leen korn im mõñã.

[2] Im Parisi ro, ke rej loe, re ba ñan E, Lo, ri kalooram rej kõmman men eo emõ aer kõmman ilo Jabõt.

[3] A Ej ba ñan er, Kom ar jab kõnono ilo bok ke, men eo Devid e ar kõmman ke e ar kwõle, im ro ippãn;

[4] Ekõjkan an deļõñ ilowan imõn Anij, im mõñã bred in kaalikkar eo, emõ an mõñã kab ro ippãn, a e jab mõ an pris ro wõt?

[5] Ak kom ar jab kõnono ilo kien kõjkan ilo raan in Jabõt pris ro ilo tempel rej kõkkure Jabõt im ejjeļok rueir ke?

[6] A Ij ba ñan kom, Juon ej pãd ijin eļap jãn tempel.

[7] A eļañne kom ar jeļã meļeļein naan in, I kõñaan tũriamõ, im jab katok, kom jãmin kar liaakļok ri jeļok ruõn.

[8] Bwe Nejin armej Ej Irooj in Jabõt.

[9] Im Ej ilõk jãn ijo im deļõñ ilowan imõn kwelõk eo aer:

[10] Im lo, juon armej emõrã pein. Im rej kajjitõk ippãn, im ba, Emãlim kemour ilo raan in Jabõt ke? bwe ren kinaakļok E.

[11] Im Ej ba ñan er, Ewi juon iaami, im e naaj an juon jiiip, eļañne e naaj wõtlok ilo roñ ilo Jabõt, e jãmin kabwijere im kotake?

[12] E nañin ļap an armej aorõk jãn jiiip! Innãm emãlim kõmman emman ilo raan in Jabõt.

[13] Im Ej ba ñan leo, Kwõn erļoke peim. Im ej erļoke; im emour ãinwõt pein eo juon.

[14] A Parisi ro rej ilõk im pepe ñae E, e naaj kõjkan aer man E.

[15] Im ke Jijej e jeļã, Ej ilõk jãn ijo: im eļap jar ko rej ļoor E, im Ej kemour er otemje:

[16] Im Ej kauwe er bwe ren jab kõnnaan kõn E:

[17] Bwe en kamool naan Aiseia ri kanaan e ar kõnono, im ba,

[18] Lo, Nejiõ eo I ar kããlõte; Eo e jitõnbõro ippa, im eļap Aõ lañlõñ kake: I naaj likūt Aõ Jetõb ioon, im E naaj kwaļok ekajet ñan ro ri aelõñ ko.

[19] E jãmin akwããl, im jab lamõj: im ejjeļok armej e naaj roñjake ainikien ilo ial ko.

[20] Koba eobõp E jãmin ruje, flax e baatat E jãmin kune ñan tõr eo E naaj jilkinļok ekajet ñan anjõ.

[21] Im ri aelõñ ko re naaj kõjatdikdik er ilo Etan.

[22] Iien eo rej bõktok ñan ippãn juon armej timõn e ar mõk ña ãnbwinnen, epilo im e ban kõnono: im Ej kemour e, ãinwõt bwe eo, e ban kõnono, ej kõnono im loļokjen.

[23] Im armej otemjeļok rej bwilõñ, im ba, Le in E nejin Devid ke?

[24] A ke Parisi ro rej roñjake, re ba, Armej i e jab kajutakļok timõn ro, a kõn Beelzebub Irooj in timõn ro.

[25] Im Jijej e jeļã aer ļõmņak, im ba ñan er, Jabdewõt aelõñ in kiñ im emõj kõjepel e jimattan jumae jimattan e naaj jako; im jikin kwelõk ak im eļañne e jepel jimattan jumae jimattan e naaj jako,

- [26] Im eļañņe Setan ej kajutakļok Setan, e karuoik an pepe; innām e naaj kōjkan an aelōñ pād?
- [27] Im eļañņe Ña kōn Beelzebub Ij kajutakļok timoņ ro, kōn wōn eo ro nejimi rej kajutakļok er? kōn men iņ re naaj ekajet kom.
- [28] A eļañņe Ña Ij kajutakļok timoņ ro kōn Jetōb an Anij, innām aelōñ in Anij ej itok iomi.
- [29] A ekōjkan an juon maroņ in deļoņ ilowan iņmōn ļeo ekajoor, im rakimi men ko mweiiien, eļañņe e jab lukwōj ļeo ekajoor mōkta? innām e naaj rakimi mweo iņmōn.
- [30] Eo e jab ippa, e Aō ri kōjdat; im eo e jab aintok ippa, ej kajeplōklōk.
- [31] Kōn men iņ Ij ba ñan kom; naaj jeorļok an armej jerowiwī im blaspim otemjej: a jāmin jeorļok balspim ñae Jetōb Kwōjarjar.
- [32] Im jabdewōt eo e naaj kōnono naan enana ñae Nejin armej, naaj jeorļok e; a jabdewōt e naaj kōnono ñae Jetōb Kwōjarjar, jāmin jeorļok men iņ, jab ilo laļ iņ, jab ilo eo e naaj itok.
- [33] Koņwin kōmņan wōjke bwe en eņņan, im eņņan leen; ak kōmņan wōjke bwe en nana, im enana leen: bwe rej kile wōjke kōn leen.
- [34] O nejīn vaiper ko! bwe kom ri nana, ekōjkan ami maroņ kōnono eņņan? bwe kōn bōro eobrak ej kōnono i loņin.
- [35] Armej eņņan jān mweiuik eņņan ej bōktok men ko reņņan; im armej enana jān mweiuik enana ej bōktok men ko renana.
- [36] A Ij ba ñoņ kom, bwe naan waan otemjej armej re naaj kōnono, re naaj kwaļok kaki ilo raan in ekajet:
- [37] Bwe kōn naan ko aņ naaj kowānōk eok, im kōn naan ko aņ naaj liaakļok eok.
- [38] Iien eo jet iaan skraib ro im Parisi ro rej uwaak E, im ba, Ri Kaki, kōm kōņaan lo juon kakōļle jān Eok.
- [39] A Ej uwaak im ba ñan er, Epepen enana im ļoņ rej pukot kakōļle; im jāmin leļok kakōļle ñan er, a kakōļle an ri kanaan Jona wōt;
- [40] Bwe āinwōt Jona e ar pād ilo lojien ek iuņwin jilu raan im jilu boņ, āindein Nejin armej E naaj pād ilowan laļ iuņwin jilu raan im jilu boņ.
- [41] Armej in Nineve re naaj jutak ilo raan in ekajet ippān epepen iņ, im re naaj liaakļok er: bwe raar ukeļok ippaer kōn an Jona kwaļok; im lo, juon ijin eļap jān Jona.
- [42] Lerooj in rōk e naaj jutak ilo raan in ekajet ippān epepen iņ, im naaj liaakļok er; bwe e ar itok jān ijo ko rettoļok i laļ bwe en roņjake mālōtlōt an Solomōn; im lo, juon ijin eļap jān Solomōn.
- [43] A Jetōb ettoon, ke ej jutakļok jān armej, ej etetal ilo jikin ko re mōrā, im pukot kakkije, im e jab lo e.
- [44] Innām ej ba, I naaj jepļaaik ilowan mweo iņmō I ar diwōjtok jān e; im ke ej itok ej lo ejjeļok kobban, pooke im aiboojoj.
- [45] Innām ej ilok im bōk ñan ippān bar jiljilimjuon Jetōb renana jān e, im rej deļoņ ilowan, im pād ie: im ālikin armej iņ, enana jān eo mōkta. Āindein e naaj barāinwōt ñan epepen iņ enana.
- [46] Im kiiō ke Ej kōnono ñan jar ko, lo, jinen im ro jaten rej jutak i nabōj im pukot bwe ren kōnono ñan E.
- [47] Im juon ej ba ñan E, Lo, jinōm im ro jatiōm rej jutak i nabōj, im rej pukot bwe ren kōnono ñan Eok.

- [48] A E uwaak im ba ñan eo ej kōnono, Wōn e jinō? im wōn ro jatiō?  
 [49] Im Ej erlōke pein ñan ro ri kalooran, im ba, Lo jinō im ro jatiō!  
 [50] Bwe jabdewōt eo e naaj kōmanman ankilaan Jema ej pād i lañ, e in ej jatiō maan, im jatiō kōrā, im jinō.

### JEPTA 13

[Ma 13.1] Ilo raan eo Jijej e ar ilok jān im, im jijet iturin lojet.

- [2] Im Ej uwe ioon wa, im jijet bwe eļap jar ko rej kweilōktok ñan ippān; im aolepen jar eo rej jutak i parijet.  
 [3] Im Ej kōnono elōñ men ko ñan er ilo būrabōļ ko, im ba, Lo, ri jeor ej ilen jeor;  
 [4] Im ke ej jeor jet ine re buñut na iturin ial, im bao ko rej kātem kañi.  
 [5] Jet re buñut ijo ko re dekāke, ijo edik bwidej ie: im eṃōkaj aer eddek; bwe e pejpej bwidej:  
 [6] Im ke e loliñ aļ, e kōjeje; im rej aemedļok, bwe ejjeļok okrair.  
 [7] Im jet re buñut ilo kālōklōk ko; im kālōklōk rej eddek, im koutaṃweiki.  
 [8] Im jet re buñut na ioon bwidej eṃman, im jebar leir, jet jibukwi kōn juon, jet jiljinoñoul kōn juon, jet jilñuul kōn juon.  
 [9] Eo ewor lojilñin en roñjake.  
 [10] Im ri kalooran rej itok im ba ñan E, Etke Kwōj kōnono ñan er ilo būrabōļ ko?  
 [11] Im E uwaak im ba ñan er, Bwe lewōj ñan kom bwe koṃwin jeļā men ko rettino an aelōñ in lañ, a jab leļok ñan er.  
 [12] Bwe jabdewōt eo ewor ippān, naaj leļok ñan e im naaj elōñ ippān; a jabdewōt eo ejjeļok ippān, naaj bōkļok jān e men ko an.  
 [13] Kōn men in Ij kōnono ñan er ilo būrabōļ ko; bwe ro rej lo, re jab lo; im ro rej roñ, re jab roñjake, im re jaje kake.  
 [14] Im ñan er ejejjet naan eo Aiseia e ar rūkaanij, im ba, Ilo ami roñjake, kom naaj roñ, im jaje kake; im ilo ami lo, kom naaj lo im jaje kajjien:  
 [15] Bwe būruen armej rein re penawiia, im lojilñier rej roñ jaṃōn, im mejeir re kilōk; eļaññe jab ainwōt, jet iien re naaj lo kōn mejeir, im roñjake kōn lojilñier, im naaj jeļā kōn būrueir, im naaj otkak, im I naaj kemour er.  
 [16] A eṃōṃōṃō mejemi, bwe rej lo; im lojilñemi, bwe rej roñ.  
 [17] Bwe eṃool Ij ba ñan kom, Elōñ ri kanaan im ri ṃan raar kōṃaan lo men kein komij loi, im raar jab loi: im roñ men kein komij roñjake, im raar jab roñjake.  
 [18] Innām koṃwin roñjake būrabōļ eo kōn ri jeor.  
 [19] Ke jabdewōt ej roñjake naan in aelōñ eo, im e jaje kake, ej itok eo ri nana, im bōkļok men eo ar jeor na ilo būruen. E in eo eṃōj jeor e na iturin ial.  
 [20] A eo ar jeor e ijo ko re dekāke, e in eo ej roñ naan, im eṃōkaj an bōke kōn an buñbūruen;  
 [21] Im ejjeļok okran ilowan, a ej pād ñan jidik iien; im ke eñtaan ak matōrtōr ej waļok kōn naan eo, eṃōkaj an buñ.  
 [22] A eo ar jeor e ilo kālōklōk ko, e in eo ej roñjake naan; im ļōmṃak ko kōn laļ in, im ṃoṃ kōn ṃweuiuk ko rej koutaṃweik naan, im e jab jebar im le.

- [23] A eo ar jeor e ɲa ilo bwidej eɲɲan, e iɲ eo ej roɲjake, im jeɭã kake: im ej jebar im le, jet jibukwi kɔn juon, jet jiljinoɲoul kɔn juon, jet jilɲuul kɔn juon.
- [24] Bar juon bũrabɔɭ E ar kwaɭok ñan er im ba, Aelɔñ in lañ ej aɲnwɔt juon armej, eo e ar jeor ine eɲɲan ɲa ilo jikin kallib eo an:
- [25] A ke armej raar kiki, an ri kɔjdate ej item jeor tãɔ ko ɲa ilo bwiljin wit, im ilok.
- [26] A ke bɔlɔk eddek, im jebar leen, iien eo tãɔ rej barãinwɔt waɭok.
- [27] Innã ro ri korijeran ãtɔk rej item ba ñan e, Irooj, kwaar jab jeor ine eɲɲan ilo aɲ jikin kallib ke? innã tãɔ ko raar itok jãn ia?
- [28] Ej ba ñan er, Ri kɔjdat eo, e ar kɔɲɲan men iɲ. Ro ri korijeran re ba ñan e, Innã kwɔj kɔɲaan bwe jãn ilem aini er ke?
- [29] A ej ba, Jab: eɭaɲɲe aɲnwɔt ñe komij aini tãɔ ko, kom naaj totaki wit ɲa ippaer.
- [30] Ren jimor eddek ñan iien jonikɔn: im ilo iien jonikɔn I naaj ba ñan ro ri ɲadɲɔd, ɲokta komwin aini tãɔ ko, im kori im tile: a komwin ainitok wit ɲa ilo aɔ iɲɔn wit.
- [31] Bar juon bũrabɔɭ E ar kwaɭok ñan er, im ba, Aelɔñ in lañ ej aɲnwɔt ine in mustad, eo armej e ar bɔke im jeor ɲa ilo jikin kallib eo an:
- [32] Eo edik jãn ine otemjej; a ke ej eddek ej ɭapɭok jãn mar otemjej, im aɲnwɔt wɔjke, innã bao in mejatoto rej kãtem babu i ra ko raan.
- [33] Bar juon bũrabɔɭ E ar kɔnono ñan er; Aelɔñ in lañ ej aɲnwɔt leven, me juon kɔrã e ar bɔke, im ɲooje ilo jilu joɲan pilawã, ñan tɔr eo ej leven aolepen.
- [34] Men kein otemjej Jijej e ar kɔnono ñan jar eo ilo bũrabɔɭ ko: im ejej bũrabɔɭ E jab kɔnono ñan er:
- [35] Bwe En kaɲool men eo ri kanaan e ar kɔnono, im ba, I naaj waɭaɲi loɲiɔ ilo bũrabɔɭ ko; I naaj kwaɭok men ko ar ɲooji jãn jinojn laɭ.
- [36] Iien eo Ej ilok jãn jar eo im deɭɔɲ ilowan im: im ro ri kaɭooran rej itok ñan ippãn, im ba, Kwɔn kameɭeɭeik ñan kɔm bũrabɔɭ eo kɔn tãɔ ko ilo jikin kallib.
- [37] Ej uwaak im ba ñan er, Eo ej jeor ine eɲɲan E Nejin armej;
- [38] Laɭ e jikin kallib: ine eɲɲan ro nejin aelɔñ in lañ: a tãɔ ko ro nejin eo ri nana:
- [39] Ri kɔjdat eo e ar jeor er, e tepil; iien ɲadɲɔd ɭokɔn laɭ: im ro ri ɲadɲɔd rej enjeɭ raɲ.
- [40] Innã aɲnwɔt rej aini tãɔ ko im tile ilo kijeek; e naaj aindein i ɭokɔn laɭ in.
- [41] Nejin armej e naaj jilkinɭok enjeɭ ro An, im re naaj ainiɭok jãn aelɔñ eo An men otemjej men in ɭatipɲɔl, im ro rej kɔɲanɲan nana;
- [42] Im naaj joɭok er ɲa ilo jikin kijeek; ijo re naaj jañ im ñi ɭaɭlaɭ.
- [43] Iien eo ro reɲɲan re naaj rabɔlbɔl im aɲnwɔt aɭ ilo aelɔñ in Jemeir. Eo ewor ɭojilɲin, en roɲɭokjeɲ.
- [44] Aelɔñ in lañ ej aɲnwɔt ɲweiuk ɲooji ilo jikin kallib, eo armej e ar loe im ɲooji, im kɔn an laɲlɔñ kake ej ilok im wiaik jikin kallib eo.
- [45] Bar juon, aelɔñ in lañ ej aɲnwɔt rũ wia, ej kapukɔt bɔɔr ko reɲɲan;
- [46] Ke e ar lo juon bɔɔr im eɭap oɲãn, ej ilok im wiakaki men ko otemjej an im wiaik e.
- [47] Bar juon: aelɔñ in lañ ej aɲnwɔt juon ok, raar door ɭok ilo ɭojet, im e boɭ ek otemjej:
- [48] Eo ke ej lɔñ, rej ipped ãne, im jijet, in ãti ko reɲɲan ɲa ilo eɲɲar ko, im julok ko renana.
- [49] E naaj aindein i ɭokɔn laɭ: enjeɭ raɲ re naaj ilok im kããlɔt ro renana jãn rũ wãɲɔk,

- [50] Im naaj joʎok er ɲa ilo jikin kijeek: ijo re naaj jañ im ñi ʎalla].
- [51] Kom ar mejeje men kein otemjej ke? Re ba ñan E, Aet.
- [52] Im Ej ba ñan er, kōn men in, skraib otemjej rej katak kōn aelōñ in lañ, rej ãinwōt armej, eo ātōk, im ej bōktok men ko rekāāl im reṃor jān jikin ṃweiiien.
- [53] Im ke Jijej e ar kaṃōj]ʎok būrabō] kein Ej ilok jān ijo.
- [54] Im ke Ej itok ñan āne eo ānean, Ej katakin er ilowan iṃōn kwelok eo aer, ãinwōt bwe rej bwilōñ, im ba, Jān ia māłōtlōt iṃ an armej iṃ, im jermal kein reṣap?
- [55] E jab nejin karpenter ke? jinen e jab etan Meri ke? im ro jaten ṃaan, Jemes, im Josep im Saimōn im Judas ke?
- [56] Im ro jaten kōrā, er otemjej re jab pād ippedwōj ke? Innām jān ia men kein otemjej an armej iṃ?
- [57] Im rej tipñōl kōn E. A Jijej e ba ñan er, Ewor an ri kanaan buñbuñ, eṣaññe e jab pād i āne eo an, im ilowan ṃweo iṃōn.
- [58] Im E ar jab kōṃanṃan elōñ jermal ko reṣap ijo kōn aer jab tōmak.

#### JEPTA 14

- [Ma 14.1] Ilo iien eo Herod titrak ej roñ an Jijej buñbuñ,
- [2] Im e ba ñan ro ri korijeran, E iṃ Jon ri peptaij; e ar jerkakpeje jān ro re mej; im kōn men iṃ jermal ko reṣap rej waʎok jān e.
- [3] Bwe Herod e kar jibwe Jon, im liāpe, im likūt e ɲa ilowan prisōn kōn Herodias, ilo pāleen Pilip jaten.
- [4] Bwe Jon e ar ba ñan e, E jab mālim ñan eok bwe en pād ippaṃ.
- [5] Im ke ej kōṃaan ṃan e, em'jōk jar eo, bwe raar ʎōṃṃak e ri kanaan.
- [6] Im ke ej itok raan eo Herod e kar ʎotak, nejin Herodias kōrā ej eb iṃaan mejeir, im kabuñbūruen Herod.
- [7] Innām ej ba kōn an kanejnej, bwe e naaj leʎok ñan e jabdewōt men eo ej kajjitōk kake.
- [8] Im lio, jinen ej rōjañ e, ej ba, Kwōn letok bōran Jon ri peptaij ilo jāpe ñan eō ijin.
- [9] Im Irooj eo ej tūriaṃo: a kōn an kanejnej, im kōn ro rej jibadek im ṃōñā ippān, ej jiroñ bwe ren leʎok ñan e.
- [10] Im ej jilkin]ok im jebbare Jon ɲa ilo prisōn.
- [11] Im rej bōktok bōran ilo jāpe, im leʎok ñan jiroñ eo: im ej bōk]ok ñan jinen.
- [12] Im ro ri kaʎooran rej itok im bōk ānbwinnen im kalbwin e, im ilem kōnnaanōk Jijej.
- [13] Ke Jijej ej roñjake, Ej make ʎok jān ijo kōn wa ñan āne jeṃaden: im ke armej rej roñjake, rej ʎoor E im etal jān jikin kwelok ko.
- [14] Im Ej itok im lo eṣap jar eo, im Ej tūriaṃokake er, im Ej kemour ro re nañinmej ro ippaer.
- [15] Im ke ejota, ri kaʎooran rej itok ñan ippān, im ba, Ijin āne jeṃaden, im iien eo e moot]ok: Kwōn jilkin]ok jar ko bwe ren ilok ñan jikin kwelok ko redik im wiaik kijeir.
- [16] A Jijej ej ba ñan er, E jab eṃṃan bwe ren ilok; koṃwin leʎok ñan er bwe ren ṃōñā.
- [17] Im re ba ñan E, ʎalem wōt ioon bred im ruo ek ippemiōñ ijin.
- [18] E ba, Koṃwin bōktok ñan Eō.
- [19] Im Ej jiroñ jar ko bwe ren jijet ioon wūjooj: im Ej bōk ʎalem ioon im ruo ek, im jer]ok ñan lañ im jar, im ruji im leʎok ioon ko ñan ro ri kaʎooran, im ri kaʎooran ñan jar ko.

- [20] Im er otemjej rej mōñā im mat; im rej āti men ko matiir elōñ joñoul im ruo iep.
- [21] Im ro raar mōñā, nañin limādep maan, jab bwini kōrā im ajri.
- [22] Im kiiōkiiō Ej jiroñ ro ri kaḷooran bwe ren uwe ioon wa, im ilok mokta jān E ñan lomaḷo jabuweo, ke Ej jilkinḷok jar ko.
- [23] Im ke eḷōj An jilkinḷok jar ko, Ej make lōñḷok ñan toḷ bwe En jar: im ke e boñ, Ej pād ijo im make wōt iaan.
- [24] A kiiō wa eo ej ilukwōn lomaḷo, im jeplōklōk in ḷo ko: bwe kōto ej itok imaan.
- [25] Im ilo mmej kein ka emān ilo boñ, Jijej ej itok ñan ippaer, im etal ioon lojet.
- [26] Im ke ri kaḷooran rej lo An etal ioon lojet, rej abwinmake, im ba. E Jetōb! im rej lamōj bwe re mijak.
- [27] A eḷōkaj an Jijej kōnono ñan er, im ba, Komwin peran; Ña E; komwin jab abwinmake.
- [28] Im Piter e uwaak E, im ba, Irooj, eḷaññe Kwe ḷe, Kwōn jiroñ eō bwe in iwōj ñan ippam ioon lojet.
- [29] Im Ej ba, Kwōn itok. Im ke Piter ej to jān wa eo, ej etal ioon lojet, bwe en ilok ñan Jijej.
- [30] A ke ej lo kōto, e mijak: im ej jino an tulok im e lamōj im ba, Irooj, Kwōn loḷooren eō.
- [31] Im eḷōkaj an Jijej erḷoke pein, im dāpij e im ba ñan e, O kwe edik am tōmak, etke kwaar pere?
- [32] Im ke eḷōj airro uwe ioon wa, kōto e lur.
- [33] Innām ro rej ilo wa eo rej itok im kabuñ ñan E, im ba Eḷool Kwe Nejin Anij.
- [34] Im ke raar tōl ḷok, rej itok ñan āne Genesaret.
- [35] Im ke armej in āne eo rej kile E, rej jelōkḷok ñan āne ko otemjej rej kōpoolē, im bōktok ñan ippān ro re nañinmej otemjej:
- [36] Im rej akweḷap ñan E bwe ren uññūr wōt tōrerein nuknuk eo An: im ro otemjej rej uññūre re mour.

## JEPTA 15

- [Ma 15.1] Ilo iien eo skraib ro im Parisi ro rej itok jān Jerusalem ñan ippān Jijej im ba,
- [2] Etke ri kaḷooram rej koḷkure bwebwenato an elder ro? Bwe re jab amwin peir ke rej mōñā.
- [3] A E uwaak im ba ñan er, Etke kom barāinwōt koḷkure kien Anij kōn ami bwebwenato?
- [4] Bwe Anij e ar ba, kwōn koutiej Jemaḷ im jinōm: im eo ej kōnono nana kōn jemen ak jinen en mej.
- [5] A komij ba, Jabdewōt eo e naaj ba ñan jemen ak jinen, Men in joortak, men eo aō in jipañ eok kake;
- [6] En jab koutiej jemen ak jinen. Im kom ar kajekdoḷon kien Anij kōn ami bwebwenato.
- [7] Kom ri jeḷā moḷ, eḷool Aiseia e ar rūkaanij kōn kom, im ba,
- [8] armej rein rej kabuñ ñan Eō kōn tieir; a būrueir etoḷok jān Eō.
- [9] A ejeḷok tokjān aer kabuñ ñan Eō, ñe rej katakin, kōn naan in katak, kien ko an armej.
- [10] Im Ej añiñintok jar eo, im ba ñan er, Komwin roñjake im jeḷā kake;
- [11] Jab men eo ej deḷoñ ilo loñin ej kananaik armej: a men eo ej waḷok jān loñin, ej kananaik armej.

- [12] Innām ri kaḷooran rej itok im ba ñan E, Kwō jeḷā ke, Parisi ro raar tipñōl ālikin aer roñ naan iñ?
- [13] A E uwaak im ba, Ine otemjej Jema i lañ E ar jab kalbwini, naaj totaki.
- [14] Ren pād wōt: er ri tōl im re pilo. Im eḷaññe eo epilo ej tōl eo epilo, erro re naaj buñ ilo roñ.
- [15] Innām Piter e uwaak im ba ñan E, Kwōn kameḷeḷeik ñan kōm būrabōl iñ.
- [16] Im Jijej e ba, Kom barāinwōt jaje kake ñan iien iñ ke?
- [17] Kom jab jeḷā ke, bwe jabdewōt men eo ej deḷoñ ilo loñin ej ilok ñan lojien, im joḷok e ilo jikin mijlok?
- [18] A men ko rej waḷok jān loñin rej itok jān būruen, im rej kananaik armej.
- [19] Bwe ḷōmḥak ko renana, uror ko, ḷōñ ko, aplep ko, koḡt ko, riab ko, kōnono ḥae ko, rej itok jān bōro:
- [20] Men kein rej kananaik armej, a mōñā kōn pā ar jab aḥwini, e jab kananaik armej.
- [21] Im Jijej ej ilok jān ijo, im ilok ñan āne ko an Tair im Saidon.
- [22] Im lo, juon kōrā ri Kenan ej itok jān āne kan, im lamōj im ba, Kwōn tūriamokake eō, O Irooj, Nejin Devid: nejiō jiroñ juon timoḥ e kanooj koḡkure e.
- [23] A E jab uwaak e ñan jidik. Im ri kaḷooran rej item akweḷap ñan E, im ba, Kwōn jilkinḷok e; bwe ej lamōjtok iloked.
- [24] A E uwaak im ba, ar jilkintok Eō ñan jiiip rej jebwābwe an nukwin Israel wōt.
- [25] Innām lio ej itok im kabuñ ñan E, im ba, Irooj, Kwōn jipañ eō.
- [26] A e uwaak im ba, E jab ekkar bwe In bōk bred kijen ajri raḥ im joḷok e ñan kidu ko redik.
- [27] Im lio e ba, Aet, Irooj; a kidu ko redik rej attūkoko men ko re wōtḷok jān tebōl eo an aer Irooj.
- [28] Innām Jijej e uwaak im ba ñan e, O kōrā, eḷap am tōmak: āinwōt am kōḥaan, en āindein ñan eok. Im nejin jiroñ eo ej mour jān awa iñ wōt.
- [29] Im Jijej ej ilok jān ijo, im itok epaak ñan loḥaḷo in Galili: im Ej wanlōñḷok ñan toḷ im jijet ijo.
- [30] Im eḷap jar ko rej itok ñan ippān, im ippaer ro re ajjukub, ro re pilo, ro re ban kōnono, ro re jipikpik, im bar elōñ, im rej door er ḥa iturin neen; im Ej kemour er:
- [31] Āinwōt bwe jar ko rej bwilōñ, ke rej lo ro re ban kōnono rej kōnono, ro re jipikpik re iio, ro re ajjukub ejimwe aer etetal, im ro re pilo rej loḷokjeḥ; im rej kaiboojoj Anij in Israel.
- [32] Innām Jijej ej kūrtoḡ ro ri kaḷooran, im ba, Ij tūriamokake jar eo, bwe kiiō rej pād ippa iumwin jilu raan, im ejjeḷok kijeir: im I jab kōḥaan jilkinḷok er ilo aer jitḷok, eḷaññe āindein re naaj parōk ilo ial.
- [33] Im ri kaḷooran rej ba ñan E, Jān ia bred ippem i āne jeḥaden, bwe ren mat jar iñ eḷap?
- [34] Im Jijej e ba ñan er, Jete ioon bred ippemi? Im re ba, jiljilimjuon, im e iiet ek redik.
- [35] Im Ej jiroñ jar ko bwe ren jijet ioon meḷaaj.
- [36] Im Ej bōk jiljilimjuon ioon bred im ek ko, im jar, im ruji, im leḷok ñan ro ri kaḷooran, im ro ri kaḷooran ñan jar ko.
- [37] Im er otemjej rej mōñā, im mat: im rej āti mōttan ko matiir jiljilimjuon iep relōñ.
- [38] Im ro rej mōñā earap ḥaan, im ewor kōrā im ajri.
- [39] Im ej jilkinḷok jar ko, im uwe ioon wa eo, im tartok ñan āne ko in Magedan.

## JEPTA 16

[Ma 16.1] Im Parisi ro im Saddusi ro raar itok im kōṇaan kapo E, im rej kajjitōk ippān bwe En kwaḷok ñan er kakōlle jān lañ.

[2] E uwaak im ba ñan er, Ke ejota, kom ba, e naaj eṃṃan lañ: bwe ekilmir kōḍo.

[3] Im ke e jibboñ, Enaaj nana lañ rainin; bwe e kilmir kōḍo im tab. Kom jeḷā katujo i lañ; a kom jab maroñ jeḷā kakōlle ko ilo iien ko.

[4] Epepen e jerowiwu im ḷōñ ej pukot kakōlle; im naaj leḷok ñan e ejjeḷok kakōlle a kakōllen ri kanaan Jona wōt. Im Ej likūt er im ilok.

[5] Im ri kaḷooran rej itok ñan lomaḷo jabuweo, im rej meḷokḷok in ektak bred.

[6] Im Jijej ej ba ñan er, Komwin lale, im kōjparok kom jān leven an Parisi ro im Saddusi ro.

[7] Im rej kōnono ippān doon, im ba, Naan in bwe kōm ar jab ektaktok bred.

[8] Im Jijej e jeḷā, im ba ñan er, O komeo edik ami tōmak! etke kom kōnono ñan doon bwe ejjeḷok bred ippemi?

[9] Kom jañin jeḷā kake im jab keememej ke kōn ḷalem ioon bred ñan limādep, im jete iep kom ar āti?

[10] Ak jiljilimjuon ioon bred ñan earap ke, im jete iep kom ar āti?

[11] Etke komij jaje kake, bwe I ar jab ba ñan kom kōn bred? A komwin kōjparok kom jān leven an Parisi ro im Saddusi ro.

[12] Innām re jeḷā, bwe E ar jab ba kōn kōjparok er jān leven in bred, a jān naan in katak an Parisi ro im Saddusi ro.

[13] Ke Jijej ej itok ñan āne ko an Seseria Pilippai, Ej kajjitōk ippān ro ri kaḷooran, im ba, Wōn Nejin armej, ilo an armej ba?

[14] Im rej ba, Jet re ba, Jon ri peptaij; jet, Elaija; im bar jet, Jeremaia ak juon iaan ri kanaan ro.

[15] Ej ba ñan er, Wōn Ña ilo ami ba?

[16] Im Saimōn Piter e uwaak im ba, Kwe Ri Kūrai, Nejin Anij emour.

[17] A Jijej e uwaak im ba ñan e, Kwōj ṃōṃōṃō Saimōn, nejin Jona; bwe kanniōk im bōtōktōk raar jab katakin eok kake, a Jema ej pād i lañ.

[18] Im barāinwōt Ij ba ñan eok, Bwe kwe Piter, im ioon ejṃaan iṃ I naaj kalōk aō eklejia: im aor ko an Hedis re jāmin anjo ioon.

[19] Im I naaj lewōj ñan eok ki ko ki in aelōñ in lañ: im jabdewōt men eo kwō naaj liāpe ioon laḷ, naaj liāpe i lañ; im jabdewōt men eo kwō naaj kōtḷok ioon laḷ, naaj kōtḷoke i lañ.

[20] Innām Ej kauwe ro ri kaḷooran, bwe ren jab kōnnaanōk jabdewōt armej bwe E Ri Kūrai.

[21] Jān iien eo Jijej e jino An kwaḷok ñan ro ri kaḷooran, e naaj kōjkan An ilok ñan Jerusalem, im eñtaan kōn men ko relōñ jān elder ro im pris reḷap im skraib ro, im re naaj ṃan E, im E naaj jerkakpeje ilo raan eo kein ka jilu.

[22] Innām Piter ej kabwijere, im jino an kauwe E im ba, En etoḷok jān Kwe, Irooj; men in e jāmin pād ippaṃ.

[23] A Ej oktak, im ba ñan Piter, kwōn ilok ilikiō, Setan: kwōj iten ḷatipñōl Eō: bwe kwō jab ḷōmṃak kōn men ko an Anij, a kōn men ko an armej raṃ.

[24] Iien eo Jijej e ba ñan ro ri kaḷooran, Eḷaṃñe jabdewōt armej e kōṇaan ḷoor Eō, en make kaarmejjete, im bōk debwāāl eo an, im ḷoor Eō.

- [25] Bwe jabdewōt eo e kōṇaan lōmṡōren mour eo an, mour e naaj jako jān e: im jabdewōt eo mour e naaj jako jān e kōn Ña, e naaj lo e.
- [26] Bwe ekōjkan kakajooror armej, eḷaññe ej jibadek aolepen laḷ im e jako an? ak ta eo armej e naaj lelōm wiaik an?
- [27] Bwe Nejin armej e naaj itok ilo wōj in Jemen ippān enjeḷ ro An, innām E naaj leḷok jinōkjeej ṇan armej raṇ im āinwōt aer kōmānman.
- [28] Eṡool Ij ba ṇan kom, Jet iaan ro rej jutak ijin, re jāmin edjoñ mej, ṇan iien eo re naaj lo Nejin armej ej itok ilo An aelōñ.

#### JEPTA 17

- [Ma 17.1] Im ilōkōn jiljino raan Jijej ej āñintok Piter im Jemes im Jon jaten, im āñinlōñḷok er ṇan toḷ eutieḷ rej make wōt.
- [2] Im Ej kōjakkōlkōl iṡaan mejeir, im turin mejan erabōlbōl āinwōt aḷ, im balle ko An remouj im āinwōt meram.
- [3] Im lo, Moses im Elaija rejro weaaktok ṇan er, im kōnono ippān.
- [4] Innām Piter e uwaak, im ba ṇan Jijej, Irooj, eṡman ad pād ijin: eḷaññe Kwō kōṇaan, I naaj kalōk ijin jilu iṡōn kōppād; juon ṇan Eok, im juon ṇan Moses, im juon ṇan Elaija.
- [5] Im ke ej kōnono, lo, juon kōdṡo emouj ej kallor er; im lo, ainikien jān kōdṡo eo, e ba, E iṡ Nejiō jitōnbōro ippa, I buñbūruō kake; komwin eṡroñ E.
- [6] Im ke ri kaḷooran rej roñjake, rej buñpedo, im kanooj lōḷñōñ.
- [7] Im Jijej ej item uññūr er im ba, Komwin jerkak, im jab lōḷñōñ.
- [8] Im ke rej reilōñ mejeir, rej lo eḷjeḷok armej, a Jijej wōt.
- [9] Im ke rej wanlaḷ jān toḷ eo, Jijej ej kauwe er im ba, Komwin jab kōnnaanōk armej kōn men in kom ar loe, ṇan iien eo Nejin armej e naaj jerkakpeje jān ro re mej.
- [10] Im ri kaḷooran rej kajjitōk ippān im ba, Innām etke skraib ro rej ba, Elaija en itok ṡokta?
- [11] Im E uwaak im ba ṇan er, Eṡool Elaija ej itok ṡokta, im naaj karbōb men otemjeḷ.
- [12] A Ij ba ṇan kom, Eṡōj an Elaija itok, im raar jaje kake, a raar kōmman ṇan e jabdewōt men ko re kōṇaan. Im āindein re naaj barāinwōt kaeñtaan Nejin armej.
- [13] Innām ri kaḷooran re jeḷā bwe Ej kōnono ṇan er kōn Jon ri peptaij.
- [14] Im ke rej itok ṇan jar eo, juon eṡmaan ej itok ṇan ippān, im bukweḷōlō ṇan E im ba,
- [15] Irooj, kwōn tūriaṡokake nejiō ṡaan; bwe e ṡōjoliñōr im kanooj eñtaan: bwe elōñ alen an buñ ilo kijeek, im elōñ alen ilo dān.
- [16] Im I ar bōktok e ṇan ro ri kaḷooram, im raar ban kemour e.
- [17] Innām Jijej e uwaak im ba, O epepen e jab tōmak im bōt, ie toñ Aō naaj pād ippemi? ie toñ Aō naaj meanwōd kōn kom? bōktok e ṇan Eō.
- [18] Im Jijej ej kauwe tiṡoṡ, im e jutakḷok jān e; im ḷadik eo ej mour jān awa eo wōt.
- [19] Innām ri kaḷooran rej make itok ṇan ippān Jijej, im ba, Etke kōm ar jab maroñ in kajutakḷok e?
- [20] Im Jijej e ba ṇan er, Kōn edik ami tōmak; bwe eṡool Ij ba ṇan kom, Eḷaññe ewor ami tōmak āinwōt juon ine in mustad, kom naaj ba ṇan toḷ iṡ, Kwōn ruwaakḷok ṇan iḷjuweo, im e naaj ilok: im eḷjeḷok men ko kom naaj bane.
- [22] Im ke raar pād i Galili, Jijej e ba ṇan er, Naaj ketak Nejin armej ilo pein armej raṇ;

[23] Im re naaj man E, im ilo raan eo kein ka jilu E naaj jerkakpeje. Im rej kanooj būromōj.

[24] Im ke rej itok ñan Kaperneum, ro rej bōk hap sekel eo rej itok ñan ippān Piter im ba, Am Ri Kaki e jab kōllā hap sekel ke?

[25] Ej ba, Aet. Im ke emōj An deļoñ ilowan im, Jijej ej kōnono ñan e mokta, Ta am ļōmņak Saimōn? kiñ ro an laļ rej bōk owōj ak oñān jān wōn? jān ro nejir ke, ak jān ro ruwamāejet?

[26] Piter ej ba ñan E, jān ro ruwamāejet. Jijej e ba ñan e, Innām ro nejir rej anemkwōjaer.

[27] A bwe jān jab ļatipñōl er, kwōn ilok ñan lojet, im door ļok kāāj, im bōk ek eo kwōj tōbwe; im ñe kwōj kalōñ loñin, kwō naaj lo juon sekel; kwōn bōke, im leļok ñan er kōn Ña im kwe.

## JEPTA 18

[Ma 18.1] Ilo awa eo ri kaļooran raar itok ñan ippān Jijej im ba, Innām wōn eo eļaptata ilo aelōñ in lañ?

[2] Im Jijej ej kūrtoke juon ajri edik ñan ippān, im kajutak e eoļōpeir,

[3] Im ba, Emool Ij ba ñan kom, eļañne kom jab oktak im erom āinwōt ajri redik, kom jāmin deļoñ ilo aelōñ in lañ.

[4] Innām jabdewōt eo ej make kōttāik e āinwōt ajri in edik, e in eļaptata ilo aelōñ in lañ.

[5] Im jabdewōt eo e naaj bōk juon ajri āinwōt in ilo eta, ej bōk Eō.

[6] A jabdewōt eo e naaj ļōkatipe juon iaan rein redik rej lōke Ña, emņan ñan e ñe rej lukwōj dekā irir eļap na i kōnwān im kōtaleke ijo e mwilal i lojet.

[7] Wo ñan laļ kōn ļōkatip ko! bwe emool ļōkatip ko ren itok; a wo ñan eo rej itok kōn e.

[8] Im eļañne piom ak niom rej ļōkatipe eok, kwōn bukwe im joļok jān eok: emņan ñan kwe bwe kwōn deļoñ ilo mour kūrro ak jipikipik, jān ruo piom ak ruo niom, im joļok eok na ilo kijeek e jāmin kun indeeo.

[9] Im eļañne mejōm ej ļōkatipe eok, kwōn itūki im joļok jān eok: emņan ñan eok bwe kwōn deļoñ ilo mour im juon wōt mejōm, jān an ruo mejōm im joļok eok na ilo kijeek ilo Geena.

[10] Komwin kōjparok bwe komwin jab kajekdoon juon iaan rein redik; bwe Ij ba ñan kom, Iien otemjej i lañ enjeļ ro aer rej lo wōt turin mejan Jema ej pād i lañ.

[11]

[12] Ta ami ļōmņak? eļañne jibukwi jiiip an armej, im juon iaer ej jebwābwe, e jab likūt ko ruwatimjuonñoul im ruwatimjuon, im ilok ñan toļ ko, im pukot eo ej jebwābwe ke?

[13] Im eļañne ej lo e, emool Ij ba ñan kom, eļap an lañlōñ kōn jiiip in jān ruwatimjuonñoul im ruwatimjuon ko raar jab jebwābwe.

[14] Āindein Jememwōj ej pād i lañ E jab kōņaan bwe juon iaan rein redik en jako.

[15] Im eļañne jiom ak jatiōm e naaj kōmanman nana ñan eok, kwōn ilem kōnnaanōk e, komro wōt: eļañne e naaj eoroñ eok, kwaar jibadek jiom ak jatiōm.

[16] A eļañne e jāmin eoroñ eok, kwōn āninļok juon ak ruo na ippam, bwe kōn loñin ruo ak jilu ri kōnnaan, naan otemjej ren pen.

[17] Im eļañne ej abwin eoroñ er kwōn kōnnaanōk eklejia: im eļañne ej abwin eoroñ eklejia, kwōn likūt e āinwōt ri pegan im ri tōl owōj.

[18] Emool Ij ba ñan kom, Jabdewōt men eo kom naaj liāpe ioon laļ, naaj liāpe i lañ: im jabdewōt men eo kom naaj kōtļok e ioon laļ, naaj kōtļok e i lañ.

- [19] Bar juon, Ij ba ñan kom, Eļañņe ruo iaami ioon laļ bŭrueir wŏt juon kŏn jabdewŏt men eo rej kajjitŏk kake, Jema ej pād i lañ E naaj kŏmman ñan er.
- [20] Bwe ijo ruo ak jilu rej kweilŏklŏk ilo eta, Ij pād eoļŏpeir.
- [21] Innām Piter ej itok ñan ippān im ba, Irooj, jete alen an jeiŏ ak jatiŏ kŏmanman nana ñan eŏ im ij jeorŏk nana eo? ñan jiljilimjuon ke?
- [22] Jijej e ba ñan e, I jab ba ñan eok ñan jiljilimjuon alen, a ñan jiljilimjuonñoul alen jiljilimjuon.
- [23] Kŏn men in, aelŏñ in lañ ej āinwŏt juon kiñ, eo e kŏņaan watŏk mweiiēn ippān ro ri korijeran.
- [24] Im ke ej jino an watŏk, rej āñintok juon ñan ippān, eo e ar mŭri ilo joñoul tŭujin talent:
- [25] A bwe ejjeļŏk mweiiēn bwe en kŏļļā, an Irooj ej jiroñ bwe ren wiakake e, im lio pāleen, im ro nejin, im men ko otemjej an, im kŏļļā.
- [26] Innām ri korijeran eo ej badikdik im kabuñ ñan e im ba, Irooj, Kwŏn mijmijelaļŏm kŏn ña, im I naaj kŏļļā men otemjej.
- [27] Innām Irooj eo an ej tŭriamŏkake ri korijeran, im kŏtļŏk e, im jeorŏk an mŭri.
- [28] A ri korijer eo ej ilŏk im lo juon iaan ro ri korijer ippān, eo e ar mŭri ippān ilo jibukwi silliñ; im ej jibwe e, im dāpij bŭruen, im ba, Kwŏn kŏļļā men ko kwaar mŭri ñan eŏ.
- [29] Im eo, ri korijer ippān, ej badikdik iturin neen, im akweļap ñan e im ba, Kwŏn jab kijer jidik kŏn ña, im I naaj kŏļļā men otemjej.
- [30] Im e jab kŏņaan: a ej ilŏk im joļŏk e ņa ilo prisŏn ñan iien eo e naaj kŏļļā.
- [31] Im ke ro ri korijer ippān rej lo men eo e ar kŏmmane, re kanooj tŭriamŏ, im rej itok im kŏnnaanŏk aer Irooj men otemjej ar kŏmman.
- [32] Innām an Irooj e ar kŭrtok e, im ba ñan e, O kwe ri nana; I ar kŏtļŏk eok jān mŭri eo otemjej, bwe kwaar akweļap ñan eŏ.
- [33] E jab emman bwe kwŏ naaj kar barāinwŏt tŭriamŏkake ri korijer ippam āinwŏt I ar tŭriamŏkake eok ke?
- [34] Im an Irooj e ar illu im ketak e ñan ippān ro ri kaeñtaan ñan iien eo e naaj kŏļļā men otemjej e kar mŭri ñan e.
- [35] Im āindein Jema i lañ E naaj kŏmanman ñan kom, eļañņe kom otemjej jab jeorŏk nana ko an ro jeŏmi im ro jatŏmi jān bŭruemi.

## JEPTA 19

[Ma 19.1] Im ke Jijej e ar kamŏjļŏk naan kein, Ej ilŏk jān Galili, im tŏkeaktok ñan āne ko ikijjien Judia i reear in Jordan;

[2] Im eļap jar ko rej ļoor E; im Ej kemour er ijo.

[3] Im Parisi ro rej itok ñan ippān, im kapo E im ba, E mālim ke bwe armej en joļŏk lio pāleen kŏn nana ko jabdewŏt?

[4] Im E uwaak im ba, Kom ar jab kŏnono ilo bok, Eo e ar kŏmman er ke ejino, E ar kŏmman er maan im kŏrā,

[5] Im ba, Kŏn men in maan e naaj likūt jemen im jinen, im e naaj pād ippān lio pāleen: im erro re naaj juon wŏt kanniŏk ke?

- [6] Kōn men eo erro re jab ruo, a juon wōt kanniōk. Innām men eo Anij e ar kobaik, armej en jab kōjepeli.
- [7] Re ba ñan E, Innām etke Moses e ar jiroñ bwe ren leļok jeje in kōtļok, im joļok e?
- [8] E ba ñan er, Kōn an pen būruemi, Moses e ar likūt kom bwe koṃwin joļok lio pāleemi: a e kar jab āinwōt jān jinoin.
- [9] Im Ij ba ñan kom, Jabdewōt eo e naaj joļok lio pāleen, eļaññe e jab kōn ļōñ, im e naaj pāleek bar juon, ej ļōñ: im eo ej pāleik lio ar joļok e ej ļōñ.
- [10] Ri kaļooran rej ba ñan E, Eļaññe āindein ṃaan ñan lio pāleen, e jab eṃṃan pālele.
- [11] A E ba ñan er, Armej otemjej re jab maroñ bōk naan iṃ, a ro wōt leļok ñan er.
- [12] Bwe jet eunōk im āindein aer ļotak jān ļojien jineir; im jet eunōk armej raar kōṃṃan er eunōk: im jet eunōk rej make kōṃṃan er eunōk kōn aelōñ in lañ. Eo ej maroñ in bōke en bōke.
- [13] Iien eo rej bōktok ñan E ajri redik, bwe En likūt pein ioer, im jar: im ri kaļooran rej bōbrae er.
- [14] A Jijej ej ba, Koṃwin kōtļok ajri redik, im jab bōbrae er, bwe ren itok ñan ippa: bwe ro āierwōt aer aelōñ in lañ.
- [15] Im Ej likūt pein ioer, im ilok jān ijo.
- [16] Im lo, juon e ar itok im ba ñan E, Ri Kaki, ewi men eo eṃṃan I naaj kōṃṃane, bwe en aō mour indeeo?
- [17] Im E ba ñan e, Etke kwōj kajjitōk kōn men eo eṃṃan? Juon Eo eṃṃan: a eļaññe kwō kōṃṃan deļoñ ilowan mour, kwōn pokake kien ko.
- [18] E ba ñan E, Kien oṭ ko? Jijej e ba, Kwōn jab uror, Kwōn jab ļōñ, Kwōn jab koṃt, Kwōn jab riab ṃae,
- [19] Kwōn koutiej jemaṃ im jinōṃ; im, Kwōn yokwe ri turōṃ im āinwōt kwe.
- [20] Likao eo e ba ñan E, Naan kein otemjej I ar pokake: ewi men eo I jañin tōpare?
- [21] Jijej e ba ñan e, eļaññe kwō kōṃṃan bwe kwōn weepṃān, kwōn ilok im wiakaki men ko aṃ, im leļok ñan ro rejeramōl, im e naaj wor ṃweiōṃ i lañ: im kwōn itok im ļoor Eō.
- [22] A ke likao ej roñ naan eo, ej būromōj im ilok; bwe eļap an ṃweiee.
- [23] Im Jijej ej ba ñan ro ri kaļooran, Eṃool Ij ba ñan kom, armej e ṃweiee e kanooj pen in deļoñ ilo aelōñ in lañ.
- [24] Im Ij bar ba ñan kom, E pidodo an kidu kamel deļoñ ļok ilo dāilil in iie, jān an armej e ṃweiee deļoñ ilo aelōñ in Anij.
- [25] Ke ri kaļooran raar roñjake, re kanooj bwilōñ im ba, Innām wōn e naaj maroñ mour?
- [26] A Jijej ej reiļok im ba ñan er, Armej re bane men iṃ, a Anij e naaj maroñe men otemjej.
- [27] Innām Piter e uwaak im ba ñan E, Lo, kōm ar ilok jān men otemjej, im ļoor Eok: kōn men iṃ, ta eo e naaj am?
- [28] Im Jijej ej ba ñan er, Eṃool Ij ba ñan kom, bwe komeo kom ar ļoor Eō, ilo iien Aō aelōñ ñe Nejin armej e naaj jijet ioon tūroon in wōj eo An, kom naaj barāinwōt jijet ioon joñoul im ruo tūroon, im ekajet joñoul im ruo bwijin Israel.
- [29] Im er otemjej raar ilok jān ṃoko, ak jeir im jateir ṃaan ak kōrā, ak jemeir, ak jineir, ak ro nejeir, ak āne ko, kōn eta, re naaj bōk jibukwi alen, im re naaj jolōt mour indeeo.
- [30] A elōñ ro rej ṃokta re naaj āliktata, im ro rej āliktata re naaj ṃokta.

JEPTA 20

[Ma 20.1] Bwe aelōñ in lañ ej ainwōt juon ātōk, eo e ar ilōk ke ejibboñ, bwe en kejerbal jet ri jermal ilo jikin vain eo an.

[2] Im ke emōj an pepe ippān ri jermal ro kōn juon sillin ilo juon raan, ej jilkinlok er ña ilo jikin vain eo an.

[3] Im ke e nañin ruwatimjuon awa ej bar ilōk, im lo bar jet rej jutak ilo jikin wia, im re jab jermal.

[4] Im e ba ñan er, Komwin barainwōt ilōk ilo jikin vain, im jabdewōt eo ejimwe, I naaj lewōj ñan kom. Im rej ilōk.

[5] Im e bar ilōk ke e nañin joñouol im ruo, im jilu awa, im kōmman ainwōt mokta.

[6] Im ke e nañin ðalem awa ej ilōk, im lo bar jet rej jutak, im ej ba ñan er, Etke komij jutak ijin raan iio im jab jermal?

[7] Re ba ñan e, Bwe ejjelok armej e ar kejerbal kōm. E ba ñan er, Komwin barainwōt ilōk ilo jikin vain.

[8] Im ke ejota, Irooj in jikin vain ej ba ñan ri kōmñe eo an, Kwōn kūrtoke ri jermal rañ im lelok oñær ñan er, jino jān ro āliktata ñan ro mokta.

[9] Im ke rej itok ro e ar kejerbal er ke enañin ðalem awa, ej kajju lok wōt aer otemjej juon sillin.

[10] A ke ro mokta rej itok, rej ðomnak e naaj wor ko rej bōk jān er: im barainwōt rej kajju wōt aer juon sillin.

[11] Im ke rej bōke, rej wanōketak ñan ātōk eo,

[12] Im ba, Rein āliktata raar jermal juon wōt awa, im ain am ñaonñan ñan er wōt kōm, ro raar niknik in jermal iumwin det ilo raan.

[13] A e uwaak ñan juon iaer im ba, Jera, I ar jab kōmanman nana ñan eok: kwaar jab pepe ñan eō kōn juon sillin ke?

[14] Kwōn bōk ñe am, im ilok: I kōnaan lelok ñan eo āliktata ainwōt ñan kwe.

[15] E jab mālim ke ñan eō, bwe in kōmanman jabdewōt men eo I kōnaan kōmman kōn men ko aō? Mejōm elur bwe ña I maan ke?

[16] Āindein ro āliktata re naaj mokta, im ro mokta re naaj āliktata.

[17] Im ke Jijej ej wanlōñlok ñan Jerusalem, Ej kamakelok iaer joñoul im ruo ri kalooran ilo ial, im E ba ñan er,

[18] Lo jej wanlōñlok ñan Jerusalem; im naaj ketak Nejin armej ñan pris ro relap im ñan skraib ro, im re naaj liaaklok E ñan mej,

[19] Im naaj ketak E ñan ri aelōñ ko bwe ren kajjirere, im deñlok, im debwāal E: im ilo raan eo kein ka jilu E naaj jerkakpeje.

[20] Ien eo jinen ro nejin Zebedi kab ro nejin rej itok ñan ippān, im kabuñ ñan E, im kajjitōk ippān kōn juon men eo.

[21] Im E ba ñan lio, Kwō kōñake ta? E ba ñan E, Kwōn jiroñ bwe rein ruo nejiō ren jijet, juon i anbwijmaroñom, im eo juon i anmiiñom ilo Am aelōñ.

[22] A Jijej e uwaak im ba, Kom jaje ta eo komij kajjitōk. Kom maroñ in idaak kab eo I naaj idaak ke? Re ba ñan E, Kōmro maroñ.

- [23] Im E ba ñan er, Aet, kom naaj idaak Aō kab, a kōn amiro jijet i anbwijmaroñiō, im i anmiñiō, e jab Aō bwe In lewōj, a Jema e naaj leļok ñan ro E ar kapojak ñan er.
- [24] Im ke joñoul rej roñjake, rej illu ñan ruo jemjein jemjaten ro.
- [25] A Jijej ej kūrtoke er im ba, Kom jeļā bwe Irooj ro an ri aelōñ ko, rej Irooj wōt ioer, im ro relap rej Irooj wōt ñan er.
- [26] A en jab āinwōt ippemi: a jabdewōt eo iaami e kōñaan bwe en utiej, en ami ri jipañ,
- [27] Im jabdewōt eo e kōñaan bwe en moкта iaami, en ri korijerami:
- [28] Im āinwōt Nejin armej e ar jab itok bwe armej ren jermal ñan E, a bwe En jermal ñan er, im leļok An mour bwe En pinmuur ñan ro relōñ.
- [29] Im ke ej ilok jān Jeriko, eļap jar eo rej ļoor E.
- [30] Im lo, ruo maan re pilo, rej jijet iturin ial eo, ke rej roñjake bwe Jijej ej kijoon er, rej lamōj im ba, O Irooj, nejin Devid, Kwōn tūriamokake kōmro.
- [31] Im jar eo rej kauwe er bwe ren ikōñ: a rej kaļapļok aer lamōj im ba, O Irooj, nejin Devid, Kwōn tūriamokake kōmro.
- [32] Im Jijej e bōjrak, im kūrtoke er im ba, Ta eo komro kōñaan bwe In kōmman ñan kom?
- [33] Re ba ñan E, Irooj bwe mejem ren peļļok.
- [34] Im Jijej ej tūriamokake er, im uññūr mejeir: im emōkaj an mejeir loļokjeņ, im rej ļoor E.

#### JEPTA 21

- [Ma 21.1] Im ke rej item kepaak ñan Jerusalem, im itok ñan Betpeje ñan toļ Olivet, Jijej ej jilkinļok ruo ri kaļooran,
- [2] Im ba ñan erro, Komwin ilok ñan jikin kwelok edik ikijjami, im emōkaj am naaj lo juon kidu ass ej lokjak, im koon ippān: komwin jeļate, im āñintok er ñan Eō.
- [3] Im eļañne jabdewōt armej ej kōnono ñan komro, kom naaj ba, Irooj eo Ej aikuj er; im e naaj moќaj an jilkintok er.
- [4] Raar kōmman men in, bwe ren kamool naan eo ri kanaan e ar kōnono im ba,
- [5] Komwin kōnnaanōk kōrā eo nejin Zaiōn, Lo, am kiñ ej itok ñan eok E ineemman im jijet ioon kidu ass, im koon nejin ass.
- [6] Im ri kaļooran rejro ilok, im kōmanman āinwōt ke Jijej e ar jiroñ er,
- [7] Im āñintok kidu ass im koon, im likūt aer nuknuk ioer im Ej jijet ioon.
- [8] Im elōñ iaan jar eo rej erļoki nuknuk ko aer ilo ial; bar jet rej jeki raan wōjke ko im eri ilo ial.
- [9] Im jar ko rej ilok imaan ļok, im ro rej ļoor ļok, rej lamōj im ba, Hosana ñan nejin Devid: E moќmoќ Eo ej itok ilo etan Irooj: Hosana ilo utiejtata.
- [10] Im ke emōj An deļoñ ilo Jerusalem, aolepen jikin kwelok rej jourur im ba, Wōn e?
- [11] Im jar ko rej ba, E in Jijej ri kanaan eo jān Nazeret ilo Galili.
- [12] Im Jijej ej deļoñ ilowan tempel in Anij, im kadiwōjļok er otemjej ro rej wiakake im wiaik ilowan tempel, im ukōji tebōļ ko an ro rej wia kōn maAn, im kein jijet ko an ro rej wiakaki muļe ko;
- [13] Im E ba ñan er, Ar jeje, Naaj likūt etan moќeo imō imōn jar: a komij kōmmane roñan ro ri kowadoñ.
- [14] Im ro re pilo im kūrro rej itok ñan ippān ilowan tempel; im Ej kemour er.

- [15] A ke pris ro reĵap im skraib ro rej lo men in bwilõñ ko E ar kõmman, im ajri rej lamõj ilowan tempel im ba, Hosana ñan nejin Devid; eĵap aer illu,
- [16] Im re ba ñan E, Kwõj roñ ke men ko re ba? Im Jijej e ar ba ñan er, Aet; kom ar jab kõnono ilo bok ke, Kwaar koweppan nõbar jãn loñin niñniñ ro im ro rej ninnin?
- [17] Im Ej ilok jãn er, im diwõjlok jãn jikin kwelok eo ñan Betani; im Ej pãd ijo ilo boñ.
- [18] Im ñe ejibboñ ke Ej jeplaak ñan jikin kwelok, E kwõle.
- [19] Im ke Ej lo juon wõjke fig iturin ial, Ej itok ñan e, im lo ejjelok leen i raan, a bõlõk wõt: im E ba ñan e, Enjellok leen i ran indeeo. Im emõkaj an wõjke fig mõrãlok.
- [20] Im ke ri kaĵooran rej loe, rej bwilõñ im ba, E nañin mõkaj an wõjke fig mõrãlok!
- [21] Im Jijej e uwaak im ba ñan er, Emool Ij ba ñan kom, eĵañne ewor ami tõmak, im jab pere, kom naaj kõmanman jab men in an wõjke fig wõt, a eĵañne kom naaj ba ñan toĵ in, Kwõn teep im jokok i lojet, e naaj äindein.
- [22] Im jabdewõt men ko otemjej kom naaj kajjitok ilo ami jar, im tõmak, kom naaj bõki.
- [23] Im ke emõj An deĵoñ ilowan tempel, pris ro reĵap im elder ro an armej ran rej itok ñan ippãn, ke Ej katakin, im ba, Kõn naan õt Kwõj kõmman men kein? im wõn e ar lewõj naan in ñan Eok?
- [24] Im Jijej e uwaak im ba ñan er, I naaj barãinwõt kajjitok ippemi kõn juon naan; eĵañne kom naaj kõnnaanõk Eõ kõn naan eo, I naaj barãinwõt kõnnaanõk kom kõn naan õt Ij kõmman men kein.
- [25] Peptaj eo an Jon, e jãn ia? jãn lañ ke? ak jãn armej ro ke? Im rej kõnono ippãn doon, im ba, Eĵañne je naaj ba, Jãn lañ; E naaj ba ñan kõj, Innãm etke kom ar jab tõmak e?
- [26] A eĵañne je naaj ba, Jãn armej ro, je mijak armej ran, bwe er otemjej rej ĵomnak bwe Jon e ri kanaan.
- [27] Im rej uwaak Jijej im ba, Kõm jaje. Im Ej ba ñan er, I jãmin kõnnaanõk kom kõn naan õt Ij kõmman men kein.
- [28] A ta ami ĵomnak? Juon maan nejin ruo, ĵadik: im e ar itok ñan eo mokta im ba, Nejiõ, kwõn ilem jermal rainin ilo jikin vain eo.
- [29] E uwaak im ba, I jab kõnaan: a tokãlik ej ukelok ippãn im ilok.
- [30] Im ej itok ñan eo juon, im äindein an ba. Im e uwaak im ba, Aet jema; im e jab ilok.
- [31] Wõn iaerro e ar kõmman ankilaan jemen? Re ba, eo mokta. Jijej e ba ñan er, Emool Ij ba ñan kom, Ro ri tõl owõj im kõrã rekijoñ rej deĵoñ ilo aelõñ in Anij mokta jãn kom.
- [32] Bwe Jon e ar itok ñan kom ilo ial in kwõjarjar, im kom ar jab tõmak e: a ro ri tõl owõj im kõrã rekijoñ raar tõmak e: a kom, ke kom ar lo men in, kom ar jab ukelok tokãlik, bwe komwin tõmak e.
- [33] Komwin roñjake bar juon waan joñak: Juon armej ãtõk, e ar kallib ilo jikin vain, im kõmanman wõrwõr im kõpool e, im kũbwij kein joniak wain ilowan, im kalõk imõn ebar, im kõlaik e ñan ro ri kallib, im ej ilok ñan bar juon aelõñ:
- [34] Im ñe epaak iien leen ekalo, ej jilkinlok ro ri korijeran ñan ippãn ro ri kallib, bwe ren bõk leen eo an.
- [35] Im ri kallib rej jibwe ro ri korijer im deñloke juon, im man juon im kade bar juon kõn dekã.
- [36] Im ej bar jilkinlok bar jet ri korijeran elõñ jãn mokta: im äindein aer kõmman ñan er.

- [37] A tokālik, e ar jilkinļok nejin maan ñan ippaer im ba, Re naaj kabuñ ñan nejið.
- [38] A ke ri kallib rej lo nejin, re ba ñan doon, E in ri jolõt: itok bwe jån man e, im jån bøk jolõt eo an.
- [39] Im rej jibwe im joļok e jån jikin vain eo im mane.
- [40] Innām ñe Irooj in jikin vain eo e naaj itok, ta eo e naaj kōmanman ñan ro ri kallib?
- [41] Re ba ñan E, e naaj ļap an nana an man ro ri nana, im e naaj kōlaik jikin vain eo ñan bar jet ri kallib, ro re naaj bøk leen ñan e ilo iien ko iien kalo.
- [42] Jijej ej ba ñan er, Kom ar jab kōnono ke ilo Jeje ko, Ejmaan eo ro ri kal raar joļoke, E in ej demõn jabõn im: men in an Irooj kōmmane, im men in bwilõn ilo mejed?
- [43] Kõn men in, Ij ba ñan kom, naaj bøk aelõn in Anij jån kom, im leļok ñan ri aelõn rej kōmman leen kaki.
- [44] Im jabdewõt eo e naaj buñ ioon ejmaan in e naaj rup; a jabdewõt eo ejmaan e naaj buñ ioon, e naaj kajepļoklõk e ainwõt būñalñal.
- [45] Im ke pris ro reļap im Parisi ro rej roñjake būrabõļ ko An, re jeļã bwe E ar kōnono kõn er.
- [46] Im ke rej pukot bwe ren jibwe, re mijak kõn jar ko, bwe armej rej ļõmņak E ri kanaan.

#### JEPTA 22

- [Ma 22.1] Im Jijej e uwaak im bar ba ñan er ilo waan joñak ko, im ba,
- [2] Aelõn in lañ ej ainwõt juon kiñ eo e ar kōmman kwõjkwõj in pālele ñan nejin maan,
- [3] Im e ar jilkinļok ro ri korijeran, bwe ren pukot tok ro ar jiroñ er kõn kwõjkwõj in pālele eo: im re jab kōnaan itok.
- [4] Ej bar jilkinļok bar jet ri korijeran im ba, Komwin ba ñan ro ar jiroñ er, Lo, emõj aõ kapojak kwõjkwõj: kau kōmaan ko aõ im kidu rematõk emõj aer mAn, im men otemjej re dedeļok: komwin itok ñan kwõjkwõj in pālele.
- [5] A rej kajekdoon e im ilok juon ñan jikin kallib eo an, im juon ñan mweiuk ko mweiien:
- [6] Im ro jet rej jibwe ro ri korijeran, im kōkkure er, im man er.
- [7] A ke kiñ eo e ar roñjake, ej illu: im ej jilkinļok jar ko an jar in tariņae, im man ro ri uror, im tile jikin kwelok eo aer.
- [8] Im ej ba ñan ro ri korijeran, Kwõjkwõj in pālele e dedeļok, a ro ar jiroñ er rej patkake.
- [9] Innām komwin ilok ilo kãboņ in ial ko, im ro otemjej kom naaj lo er, komwin kũrtok er ñan kwõjkwõj in pālele.
- [10] Im ro ri korijeran rej ilok ilo ial ko, im añintok ro otemjej rej lo er, ro renana im ro remman: im elõn rej maat tok ñan kwõjkwõj in pālele eo.
- [11] Im ke kiñ eo ej deļõn bwe en lale ro raar itok, ej lo juon armej ijo e kar jab kōņak kopã in pālele:
- [12] Im ej ba ñan e, Jera, ekõjkan am itok ijin, im jab kōņak kopã in pālele? Im ej ikõñ.
- [13] Innām kiñ ej ba ñan ro ri korijeran, Komwin liãpe pein im nein, im bøkļok e, im joļok e ilo kapin marok: ijo re naaj jañ im ñi ļalļal.
- [14] Bwe kũr elõn, e iiet ro kãålõt er.
- [15] Iien eo Parisi ro rej ilok, im pepe ekõjkan aer naaj pukwõj An in naan.

- [16] Im rej jilkinlɔk ñan E ro ri kałoorair kab ro doon Herod, im ba, Ri Kaki, kɔm jełã Kwɔ mool im katakin ial in Anij ilo mool, im Kwɔ jab bɔk ñan armej; im Kwɔ jab lɔmɲak kɔn wãween armej.
- [17] Innã Kwɔn kɔnnaanɔk kɔm, Ta aɲ lɔmɲak? Emãlim owɔj lɔk ñan Sizar ke jab ke?
- [18] A Jijej ej kile aer nana im ba, Etke komij kapo Eɔ, kom ri jełã moɲ?
- [19] Komwin kwałɔk ñan Eɔ mAn in owɔj. Im rej bɔktok ñan E juon deneriɔs.
- [20] Im E ba ñan er, An wɔn men in kajjioñ im jeje iɲ?
- [21] Re ba ñan E, An Sizar. Im E ba ñan er, Innã komwin lełɔk ñan Sizar men ko an Sizar, im ñan Anij men ko an Anij.
- [22] Ke emɔj aer roñjake, re bwilɔñ im ilɔk jãn E im etal.
- [23] Ilo raan eo jet Saddusi rej itok ñan ippãn, ro rej ba ejjełɔk jerkakpeje, im rej kajjitɔk ippãn,
- [24] Im ba, Ri kaki, Moses e ar ba, Ełãñe juon armej e mej, im ejjełɔk nejin, jaten e naaj pãleik lio kar pãleen, im en wor nejin ñan jein.
- [25] Im jiljilimjuon jemjein jemjaten raar pãd ippem: im eo mokta, ke e ar pãleik lio, e mej im ejjełɔk nejin, ej likũt pãleen ñan jaten:
- [26] Im barãinwɔt jaten eo kein ka ruo, im kein ka jilu, ñan eo kein ka jiljilimjuon.
- [27] Im ãlik er otemjej lio e mej.
- [28] Innã ilo jerkakpeje, pãleen wɔn lio iaan ro jiljilimjuon? Bwe er otemjej raar pãleik e.
- [29] Jijej e uwaak im ba ñan er, Komij bɔd kɔn ami jaje Jeje ko, im an Anij kajoor.
- [30] Bwe ilo jerkakpeje re jab pãlele, im jab lełɔk bwe ren pãlele, a er ãinwɔt enjeł ro i lañ.
- [31] A kɔn jerkakpeje an ro re mej, kom ar jab kɔnono ilo bɔk naan ko Anij e ar ba ñan kom, im ba,
- [32] Ña Anij an Ebrean, im Anij an Aisak, im Anij an Jekɔb ke? Anij e jab Anij an ro re mej, a an ro re mour.
- [33] Im ke jar ko raar roñjake, re bwilɔñ kɔn An naan in katak.
- [34] A ke Parisi ro raar roñ bwe E ar kiili lɔñin Saddusi ro, rej kweilɔktok ñan ijo.
- [35] Im juon iaer, eo ri kien, ej mãlejjoñ E im kajjitɔk ippãn, im ba,
- [36] Ri Kaki, ewi kien eo ełap ilo kien ko?
- [37] Jijej e ba ñan e, Kwɔn yokwe Irooj am Anij kɔn aolepen bũruɔm im kɔn aolepen aɲ, im kɔn aɲ lɔmɲak otemjej.
- [38] Eñin kien eo ełap im mokta.
- [39] Im eo kein ka ruo ãinwɔt iɲ, Kwɔn yokwe ri turɔm im ãinwɔt kwe.
- [40] Kien otemjej im ri kanaan rej kejil ilo kien kein ruo.
- [41] Ilo iien eo ke Parisi ro rej kweilɔklɔk, Jijej ej kajjitɔk ippaer,
- [42] Im ba, Komij lɔmɲak ta kɔn Ri Kũrai? E nejin wɔn? Re ba ñan E, Nejin Devid.
- [43] E ba ñan er, Innã ekɔjkan Devid ilo Jetɔb e ar likũt etan Irooj, im ba,
- [44] Irooj e ar ba ñan aɔ Irooj, Kwɔn jijet i anbwijmaroñiɔ, ñan tɔr eo I naaj likũt ro ri kɔjdate Eok iumwin niom.
- [45] Innã ełãñe Devid ej ñaetan Irooj, ekɔjkan E nejin?
- [46] Im ejjełɔk armej e maroñ uwaak E kɔn juon naan: im ãlikin raan eo ejjełɔk armej ej peran bwe en kajjitɔk ippãn kɔn juon naan.

JEPTA 23

[Ma 23.1] Iien eo Jijej ej kōnono ñan jar ko, im ñan ro ri kaļooran,

[2] Im ba, Skraib ro im Parisi ro rej jijet ioon kein jijet an Moses;

[3] Innām men otemjej jabdewōt raar jiroñ kom, koṃwin kōjparoki im kōṃanṃAn; a koṃwin jab kōṃṃan āinwōt aer jerbal; bwe rej ba im jab kōṃanṃan.

[4] Bwe rej lukwōj ineeeki reddo, im eñtaan kōn an bōki, im likūti ṅa i aerān armej: a er make re jab kōṅnaan kōṃṃakūti kōn juon addir.

[5] A rej kōṃṃan aer jerbal otemjej bwe armej ren loi: rej kōṃṃan aer pailaktiri dilip, im rej kadilip tōrerein nuknuk ko aer,

[6] Im re kōṅnaan kein jibadek ko remṃan ļok ilo kwōjkwōj ko, im kein jijet remṃan ļok ilo imōn kwelok ko,

[7] Im yokyokwe ko ilo jikin wia ko, im bwe armej ren likūt etaer, Rabbai.

[8] A koṃwin jab bōk etami Rabbai: bwe juon ami Ri Kaki: im kom otemjej jemjein jemjaten.

[9] Im jab ṅaetan jabdewōt armej jememi i laļ: bwe juon Jememi, eo ej pād i lañ.

[10] Im ren jab ṅaetami ri kaki: bwe juon ami Ri Kaki, Ri Kūraij.

[11] A eo eļaptata iaami, e naaj ri korijerami.

[12] Im jabdewōt eo e naaj make koutiej e, naaj kōttāik e; im eo e naaj make kōttāik e, naaj koutiej e.

[13] A wo ñan kom skraib im Parisi ro, ri jeļā moṅ! bwe komij kiili aelōñ in lañ jān armej: bwe kom jab deļoñ ilowan, a ro rej deļoñ ļok ilowan, komij bōbrae aer deļoñ.

[15] Wo ñan kom skraib im Parisi ro ri jeļā moṅ! bwe komij kōpool ļometo im āne bwe koṃwin kaltok juon ri kaļoorami: im ñe e po, komij kōṃṃan e bwe en ruo alen nejin Geena jān kom.

[16] Wo ñan kom ri tōl pilo, komij ba, Jabdewōt eo e naaj kanejnej kōn tempel, jekdoṅ; a jabdewōt eo e naaj kanejnej kōn kool in tempel, men in ej dāpij e.

[17] Kom bwebwe, im pilo! bwe ewi iaer eļap, kool, ak tempel eo ej kokwōjarjar kool?

[18] Im, Jabdewōt eo e naaj kanejnej kōn lokatok, jekdoṅ; a jabdewōt eo e naaj kanejnej kōn men in joortak ioon, men in ej dāpij e.

[19] Kom bwebwe im pilo! bwe ewi iaer eļap, men in joortak, ak lokatok eo ej kokwōjarjar men in joortak?

[20] Innām jabdewōt eo e naaj kanejnej kōn lokatok, ej kanejnej kake, im kōn men otemjeļok ṅa ioon.

[21] Im jabdewōt eo e naaj kanejnej kōn tempel, ej kanejnej kake, im kōn Eo ej pād ilowan.

[22] Im eo e naaj kanejnej kōn lañ, ej kanejnej kōn tūroon an Anij, im kōn Eo ej jijet ioon.

[23] Wo ñan kom, skraib im Parisi ro, ri jeļā moṅ! bwe komij owōj kōn kein ka joñoul an mint, im anis, im kōmmin, im kom ar joļok men ko reļap an kien, ekajet im tūriaṃo, im tōmak: eṃṃan bwe koṃwin kar kōṃṃan men kein im jab joļok kan jet.

[24] Kom ri tōl pilo! ro rej liklik lijeljelṃak, im wōrañļok kamel.

[25] Wo ñan kom skraib im Parisi ro ri jeļā moṅ! bwe komij karreo ālikin kab im jāpe, a ilowan re lōñ kōn men in kowadoñ im nana.

- [26] Kwe Parisi e pilo! kwōn karreo mokta men eo ilowan kab im jāpe, bwe ālikin en barāinwōt erre.
- [27] Wo ñan kom, skraib im Parisi, ro ri jeļā moņ! bwe kom āinwōt wūliej ko remouj, ko reṃṃan potata ilikir, a ilowan re lōñ kōn di in armej, im nana otemjej.
- [28] Im āindein komij barāinwōt ilikimi iṃaan armej raņ āinwōt ro reṃṃan, a ilowami komij obrak kōn moņ im nana.
- [29] Wo ñan kom, skraib im Parisi, ro ri jeļā moņ! bwe komij kalōk iṃōn wūliej ko an ri kanaan, im kaiboojoj wūliej ko an ri ṃan,
- [30] Im ba, Eļāñne kōm ar pād ilo raan ko an jīṃṃam, kōm jāmin kar ri bōk ṃōttan ippaer kōn katōrļok bōtōktōk an ri kanaan ro.
- [31] Kōn men iņ komij make bakajjiemi, bwe kom nejin ro raar ṃan ro ri kanaan.
- [32] Innām koṃwin kanne kein joñak an ro jememi.
- [33] Kom jedpānit ko, kom nejin vaiper ko! e naaj kōjkan ami ko jān liaakļok ñan Geena?
- [34] Innām, lo, Ij jilkinwōj ñan kom ro ri kanaan, im ro ri mālōtlōt, im skraib ro: im jet iaer kom naaj ṃan er, im debwāāl er: im jet iaer kom naaj deñļoke ilo iṃōn kwelok ko ami, im matōrtōr er jān jikin kwelok ñan jikin kwelok;
- [35] Bwe en itok iomi bōtōktōk otemjej ewānōk ar lutōk ioon laļ, jān bōtōktōk in Ebel ewānōk ñan bōtōktōk in Zakeraias nejin Barekaia, eo kom ar ṃan eoļōpin tempel im lokatok.
- [36] Eṃool Ij ba ñan kom, Men kein otemjej re naaj itok ioon epepen iņ.
- [37] O Jerusalem, Jerusalem, eo ej ṃan ro ri kanaan, im kade kōn dekā ro jilkinļok ñan e! O enañin lōñ alen I ar kōṃaan kokweiloktok ro nejōṃ, im āinwōt loļo ej kokweiloktok nejin jojo iuṃwin pein, im kom ar jab kōṃake!
- [38] Lo ṃweo iṃwemi likūt e ñan kom im jeepeļok.
- [39] Bwe Ij ba ñan kom, Kom jāmin lo Eō jān iien iņ, ñan tōr eo kom naaj ba, Eṃōṃōṃō Eo ej itok ilo etan Irooj.

#### JEPTA 24

- [Ma 24.1] Im Jijej ej diwōjļok jān tempel im etal, im ro ri kaļooran rej itok ñan ippān bwe ren kaalwōj E kōn moko im kal in tempel.
- [2] Im Ej uwaak im ba ñan er, Komij jab lo men kein otemjej ke? Eṃool Ij ba ñan kom, Ejjeļok juon ejṃaan e naaj pād ioon doon ijin im jāmin ebjak.
- [3] Im ke Ej jijet ioon toļ Olivet, ri kaļooran rej maketok ñan ippān, im ba, Kwōn kōnnaanōk kōm ñāāt men kein re naaj waļok? im ta eo kakōļļan Aṃ naaj itok im loķōn laļ?
- [4] Im Jijej e uwaak im ba ñan er, Koṃwin kōjparok kom bwe enjeļļok armej ej kejebwābweik kom.
- [5] Bwe elōñ re naaj itok ilo eta, im ba, ña Ri Kūraij: im re naaj kejebwābweik elōñ.
- [6] Im kom naaj roñjake tariṃae ko, im naan kōn tariṃae ko: lale bwe koṃwin jab lōļñōñ; bwe men kein otemjej re naaj jejjet, a e jañin jeṃļokōn.
- [7] Bwe ri aelōñ re naaj jutak ṃae ri aelōñ, aelōñ in kiñ ṃae aelōñ in kiñ; im e naaj wor ñūta, im ṃakūtūt laļ ilo jet āne.
- [8] Men kein otemjej rej jinoin eñtaan ko.

- [9] Iien eo re naaj ketak kom ñan eñtaan, im re naaj man kom: im ri aelõñ otemjeļok re naaj kōjdate kom kōn eta.
- [10] Im elõñ re naaj ļōkatip, im re naaj ketake doon, im kōjdate doon.
- [11] Im elõñ ri kanaan waan re naaj waļok, im re naaj kejebwābweik elõñ.
- [12] Im kōn an nana lōñ ļok, yokwe an elõñ e naaj mōļo ļok.
- [13] A eo e naaj kijenmej ñan jemļokōn, e iņ e naaj mour.
- [14] Im naaj kwaļok gospel iņ an aelõñ in lañ i aolepen laļ kōn men in kōnnaan ñan aelõñ otemjeļok: ilo iien eo e naaj itok jemļokōn.
- [15] Innām ñe kom naaj lo men eo e kanooj nana im eļap an koķkure jutak ilowan jikin Kwōjarjar, eo Daniel ri kanaan e ar kōnono kake, (eo ej kōnono ilo bok en meļeļe)
- [16] Innām ro rej pād ilo Judia ren ko ñan toļ ko:
- [17] Eo ej pād ioon kejenwan en jab to laļ bwe en bōk jabdewōt jān mweo imōn:
- [18] Im eo ej pād ilo jikin kallib en jab jepļaak bwe en bōk kopā eo an.
- [19] Im wo ñan ro rej bōrōro, im ñan ro rej kaninnin ilo raan ko!
- [20] Im koṃwin jar bwe koṃwin jab ko ilo iien eo e piō, im jab ilo Jabōt.
- [21] Bwe ilo iien eo e naaj eļap eñtaan, eo e jañin āinwōt jān jinoin laļ ñan iien iņ, aet, e jāmin āinwōt tokālik.
- [22] Im eļañņe ar jab kāiet ļok raan ko, ejjeļok kanniōk e naaj kar mour: a kōn ro ri kāālōt naaj kāiet ļok raan ko.
- [23] Iien eo eļañņe jabdewōt armej e naaj ba ñan kom, Lo ijin Ri Kūraij ak ijjiien; koṃwin jab tōmak e.
- [24] Bwe Kūraij waan re naaj waļok, im ro ri kanaan waan, im re naaj kōmman kakōļle ko reļap im men in bwilõñ ko; bwe, eļañņe re maroñ, ren kejebwābweik ro ri kāālōt.
- [25] Lo, eṃōj Aō kōnnaanōk kom mokta.
- [26] Innām eļañņe re naaj ba ñan kom, Lo, ej pād ilo āne jemaden; koṃwin jab ilok: lo, ej pād ilowan jikin tilekek ko; koṃwin jab tōmak e.
- [27] Bwe āinwōt jarōm ej itok jān reear, im romaak ñan kapilõñ: e naaj āindein an Nejin armej itok.
- [28] Ijo jabdewōt ub ej pād, igōl ko re naaj kwelok ie.
- [29] A kiiōkiiō, ālikin eñtaan ilo raan ko, naaj kamarok aļ, im allõñ e jāmin letok an meram, im iju re naaj wōtļok jān lañ, im kajoor ko in lañ re naaj makūtkūt,
- [30] Im ilo iien eo kakōļlan Nejin armej e naaj weaak i lañ; im ilo iien eo bwij otemjej i laļ re naaj būromōj, im re naaj lo Nejin armej ej itok ilo kōdō ko i lañ, kōn kajoor im aiboojoj eļap.
- [31] Im E naaj jilkinļok enjeļ ro An kōn jilel im eļap ainikien; im re naaj kokweiloktok ro ar kāālōt er jān emān kōto, je turin lañ ñan ijeņ im ijeņ.
- [32] Kiiō koṃwin katak jān wōjke fig būrabōļ eo an: Ñe ej ub raan, im eddek bōlōk, kom jeļā bwe epaak iien māññāņ;
- [33] Āindein kom barāinwōt, ñe komij lo men kein otemjej, koṃwin jeļā bwe ej epaak, aet ilo kōjām ko.
- [34] Eṃool Ij ba ñan kom, epepen iņ e jāmin jako ñan tōr eo naaj jejjet men kein otemjej.
- [35] Lañ im laļ re naaj jako, a naan ko Aō re jāmin jako.
- [36] A raan eo im awa eo ejjeļok juon e jeļā kake, im jab enjeļ ro i lañ, jab Nejin, a Jema wōt.

- [37] Im äinwõt raan ko an Noa, e naaj äindein an Nejin armej itok.
- [38] Bwe äinwõt ilo raan ko mokta jän ibwijlelep eo, raar mõñã im idaak, raar pälele im leļok bwe ren pälele, ñan raan eo Noa e ar deļoñ ilowan wa eo,
- [39] Im re jaje ñan tör eo ibwijlelep ej itok, im bōkļok er otemjej; e naaj äindein an Nejin armej itok.
- [40] Iien eo ruo armej re naaj pād ilo jikin kallib; naaj bōk juon, im likūt juon.
- [41] Ruo kōrã re naaj irir kōn kein irir; naaj bōk juon, im likūt juon.
- [42] Innām komwin ekil; bwe kom jaje ilo raan ôt Irooj e naaj itok.
- [43] A komwin jeļã men in, eļaññe ätōk in mweo e ar jeļã ilo mmej ôt ri koḡot ej itok, e naaj kar ekil, im jāmin kar kōtļok bwe en rupe imōn.
- [44] Kōn men in komwin baräinwõt pojak: bwe ilo awa komij jab ļomņak, nejin armej ej itok.
- [45] Innām wōn eo ri korijer e tiljek im mālōtlōt, eo an Irooj e ar likūt e bwe en ri kōmñe ioon ro doon, bwe en naajdik er ilo iien eḡman?
- [46] Eḡoḡoḡo ri korijeran eo, an Irooj e naaj itok im lo an kōḡmanḡan äindein.
- [47] Eḡool Ij ba ñan kom, e naaj kairooj e ioon men ko otemjeļok an.
- [48] A eļaññe ri korijeran eo enana e naaj ba ilo būruen, Aō Irooj ej kattar an itok;
- [49] Im e naaj jino an deñļoke ro ri korijer ippān, im naaj mõñã im idaak ippān ro ri kadek:
- [50] Irooj an ri korijeran eo e naaj itok ilo raan eo ñe e jab katmāne, im ilo awa eo e jaje kake,
- [51] Im e naaj bukwe, im naaj likūt jikin ippān ro ri jeļã moḡ: ijo e naaj jañ im ñi ļallal.

## JEPTA 25

- [Ma 25.1] Ilo iien eo aelōñ in lañ e naaj äinwõt joñoul bōjin, rej bōk ļaam ko aer, im ilok bwe ren wōnḡae ļeo pälele.
- [2] Lalem iaer re bwebwe, im ļalem re mālōtlōt.
- [3] Bwe ro re bwebwe ke rej bōk ļaam ko aer re jab bōk oil ḡa ippaer.
- [4] A ro re mālōtlōt rej bōk oil ilo aer kein ettein ḡa ippān ļaam ko aer.
- [5] Ke ļeo pälele e ruḡwij tok, er otemjej rej mejki im kiki.
- [6] Im ñe lukkuun boñ, juon lamōj, Lo, ļeo pälele! komwin iten wōnḡae e.
- [7] Innām bōjin ro otemjej rej jerkak, im kōḡḡAn ļaam ko aer.
- [8] Im ro re bwebwe re ba ñan ro re mālōtlōt, Komwin letok ñan kōm jän ami oil; bwe ļaam ko am re nañin kun.
- [9] A ro re mālōtlōt re uwaak im ba; Bōlen je jāmin bwe kake; a komwin ilok ñan ippān ro rej wia im wiaik ami.
- [10] Im ke raar ilen wiaik, ļeo pälele ej itok: im ro rej dedeļok rej deļoñ ippān ñan kwōjkwōj in pälele: im e kiil aor.
- [11] Tokālik bōjin ro jet rej baräinwõt itok, im ba, Irooj, Irooj, kwōn kapelļok ñan kōm.
- [12] A e uwaak im ba, Eḡool Ij ba ñan kom, I jaje kom.
- [13] Innām komwin ekil, bwe kom jaje raan eo ak awa eo.
- [14] Bwe ej äinwõt ke juon armej ej ilok ñan bar juon aelōñ, e ar añiñintok ro ri korijeran, im leļok ñan er mweiuk ko an.
- [15] Im e ar leļok ļalem talent ñan juon, im ruo ñan juon, im juon ñan bar juon; ñan kajju iaer äinwõt aer maroñ, im ej etal ļok.

- [16] Eo e ar bōk ʎalem talent, e jab ruṃwɨj an ilem wia kōn men ko, im kōṃanṃan bar ʎalem talent.
- [17] Im barāinwōt eo e ar bōk ruo, ej koorʎok bar ruo.
- [18] A eo e ar bōk juon, ej ilok im kūbwɨj bwɨdej im ŋooj ṃAn eo an irooj eo an.
- [19] Ālikin iien eto, irooj eo an ro ri korijeran ej item watōk ippaer.
- [20] Im eo e ar bōk ʎalem talent, ej bōktok bar ʎalem talent, im ba, Irooj, kwaar letok ṃan eō ʎalem talent; lo I ar koorʎok bar ʎalem talent ṃa ippaer.
- [21] An irooj ej ba ṃan e, Eṃṃan am kōṃṃan kwō korijera eṃṃan im tiljek; kwaar tiljek kōn men kaṃ re iiet, I naaj kairooj eok ioon men ko re lōñ: kwōn deʎoñ ilo lañlōñ an aṃ irooj.
- [22] Barāinwōt eo e ar bōk ruo talent, ej itok im ba, Irooj, kwaar letok ṃan eō ruo talent: lo, I ar koorʎok bar ruo talent ṃa ippaer.
- [23] An irooj ej ba ṃan e, Eṃṃan am kōṃṃan kwō korijera eṃṃan im tiljek: kwaar tiljek kōn men kaṃ re iiet, I naaj kairooj eok ioon men ko re lōñ: kwōn deʎoñ ilo lañlōñ an aṃ irooj.
- [24] Innām eo e ar bōk juon talent, ej itok im ba, Irooj I ar jeʎā kajjiem, kwe armej e pen, kwōj ṃadṃōd ijo kwaar jab jeor ṃa ie, im kwōj ae jān ijo kwaar jab illik ṃa ie:
- [25] Im I ar lōñṃoñ, im ilok im ŋooje am talent ilo bwɨdej; lo ṃAn aṃ ippaṃ.
- [26] An irooj e uwaak im ba ṃan e, Kwe kwō korijera enana im jowan, kwaar jeʎā ij ṃadṃōd ijo I ar jab jeor ṃa ie, im ae jān ijo I ar jab illik ṃa ie:
- [27] Innām eṃṃan kwaar leʎok aō ṃAn, ṃan ippān ro ri wia kōn ṃAn, im ñe ij itok I naaj kar bōk aō ṃAn im jimmaer.
- [28] Innām komwin bōkʎok talent eo jān e, im leʎok ṃan eo joñoul talent ippān.
- [29] Bwe naaj leʎok ṃan jabdewōt eo ewor ippān, im e naaj lōñʎok; a jān eo ejjeʎok ippān, naaj bōk ʎok men ko an.
- [30] Im komwin joʎok ri korijer e jatokjān ṃan kapin marok; ijo re naaj jañ im ñi ʎaʎaʎ.
- [31] A ñe Nejin armej e naaj itok ilo wōj eo An, im enjeʎ ro otemjej ippān, iien eo E naaj jijet ioon tūroon in wōj eo An:
- [32] Im naaj kokweiloktok ri aelōñ otemjej imaan mejan; im E naaj kōjepel er jān doon, āinwōt seperd ej kōjepel jiiip ko jān goat ko:
- [33] Im e naaj kajutak jiiip ko i anbwijmaroñan, a goat ko i anmiñin.
- [34] Innām Kiñ eo e naaj ba ṃan ro i anbwijmaroñan, Komwin itok kom ri ṃōṃōṃō an Jema, komwin jolōt aelōñ eo e ar pojak ṃan kom jān jinoin laʎ:
- [35] Bwe I ar kwōle, im kom ar naajdik Eō: I ar maro, im kom ar kaidaak Eō: I ar ruwamāejet, im kom ar kadeʎoñ Eō:
- [36] Ejjeʎok aō nuknuk, im kom ar ṃaballiō: I ar nañin mej, im kom ar item lale Eō: I ar pād ilo prisōn, im kom ar itok ṃan ippa.
- [37] Innām ro reṃṃan re naaj uwaak E im ba, Irooj, ṃāāt kōm ar lo Aṃ kwōle, im naajdik Eok? ak maro im kaidaak Eok?
- [38] ṃāāt kōm ar lo Aṃ ruwamāejet, im kadeʎoñtok Eok? ak ejjeʎok Aṃ nuknuk, im kanuknuk Eok?
- [39] Ak ṃāāt kōm ar lo Aṃ nañinmej, ak ilowan prisōn im ar iwōj ṃan ippaṃ?
- [40] Im Kiñ eo e naaj uwaak im ba ṃan er, Eṃool Ij ba ṃan kom, Ilo ami kōṃanṃan jabdewōt ṃan juon iaan rein ro jatiō ediktata, kom ar kōṃanṃane ṃan Eō.

- [41] Innām barāinwōt E naaj ba ñan ro i anmiñin, Komwin ilok jān Eō, kom ri nana, ñan ilowan kijeek e jāmin kun indeeo, eo e ar pojak ñan tepiļ eo im enjeļ ro an.
- [42] Bwe I ar kwōle, im kom ar jab naajdik Eō: I ar maro, im kom ar jab kaidaak Eō:
- [43] I ar ruwamāejet, im kom ar jab kadeļoñ Eō: ejjeļok Aō nuknuk, im kom ar jab ñaballiō: I ar nañinmej im ilowan prisōn, im kom ar jab item lale Eō.
- [44] Innām re naaj uwaak E im ba, Irooj, ñāāt kōm ar lo Aṃ kwōle, ak maro, ak ruwamāejet, ak ejjeļok Aṃ nuknuk, ak nañinmej, ak ilowan prisōn, im kōm ar jab iwōj im lale Eok?
- [45] Innām E naaj uwaak er im ba, Eṃool Ij ba ñan kom, bwe ilo ami jab kōṃanṃane ñan juon iaan rein ediktata, kom ar jab kōṃanṃane ñan Eō.
- [46] Im rein re naaj ilok ñan eñtaan indeeo: a ro reṃṃan ñan mour indeeo.

## JEPTA 26

- [Ma 26.1] Im ke Jijej e ar kaṃōj]ok naan kein otemjej, E ba ñan ro ri kaļooran,
- [2] Kom jeļā bwe ilokōn ruo raan, ej itok kwōjkwōj in kijoone, im naaj ketak Nejin armej bwe ren debwāil E.
- [3] Innām pris ro reļap, im elder ro an armej raṃ rej kweiloklok ñan imōn pris eo eļapļap, etan Kaiepas.
- [4] Im pepe bwe ren jibwe Jijej kōn ṃoṃ, im ṃan E.
- [5] A re ba, En jab ilo iien kwōjkwōj, bwe armej ren jab iruj.
- [6] Im ke Jijej ej pād i Betani ilowan imōn Saimōn ri lōba,
- [7] Juon kōrā ej itok ñan ippān, im juon nien alebaster ippān nien dān in kapit e kanooj aorōk, im ej lutōk e ṃa ioon bōran ke e jibadek im ṃōñā.
- [8] A ke ri kaļooran rej loe, rej illu im ba, Ewi tokjān jerwaane iṃ?
- [9] Bwe jej maroñ kar wiakake men iṃ kōn eļap oñān, im leļok ñan ro re jeramōl.
- [10] A Jijej e jeļā im ba ñan er, Etke komij añōte kōrā iṃ? bwe eṃṃan an kōṃṃan ñan Eō.
- [11] Bwe ro rej jeramōl rej pād ippemi iien otemjej, a Ña I jab pād ippemi iien otemjej.
- [12] Bwe kōn an lutōk dān in kapit iṃ ṃa ioon ānbwinniō, e ar kōṃṃane ṃae tōr eo re naaj kalbwin Eō.
- [13] Eṃool Ij ba ñan kom Ijo jabdewōt re naaj kwaļok gospel iṃ i aolepen laļ otemjej, barāinwōt men eo kōrā iṃ e ar kōṃṃane, re naaj kōnono kake bwe ren keememej e.
- [14] Iien eo juon iaan joñoul im ruo, etan Judas Iskariōt, ej ilok ñan ippān pris ro reļap,
- [15] Im ba ñan er, Ta kom kōṃaan letok ñan eō, im I naaj ketak E ñan kom. Im rej joñak ļok ñan e jilñuul ṃōttan silver.
- [16] Im jān iien eo ej pukot iien eṃṃan bwe en ketak E.
- [17] Ilo raan eo ṃokta ilo kwōjkwōj in bred e jab leven, ri kaļooran rej itok ñan ippān Jijej, im ba, Ewi ijo kwō kōṃaan kōmin kapojak bwe kwōn ṃōñā men in kijoone?
- [18] Im E ba, Komwin ilok ñan jikin kwelok eo ñan ippān juon armej, im ba ñan e, Ri Kaki ej ba, Aō iien epaak: Ij lale kwōjkwōj in kijoone ilowan imōṃ, ippān ro ri kaļoorā.
- [19] Im ri kaļooran rej kōṃanṃan āinwōt Jijej e ar jiroñ er; im rej kapoj men in kijoone.
- [20] Im ke ejota Ej jibadek im ṃōñā ippān joñoul im ruo.
- [21] Im ke rej ṃōñā, E ba, Eṃool Ij ba ñan kom, juon iaami e naaj ketak Eō.
- [22] Im re kanooj būromōj, im kajju iaer, rej jino aer ba ñan E, Irooj, ña ke?

- [23] Im Ej uwaak im ba, Eo ej kattu ļok pein ippa ilowan jāpe e wōt e naaj ketak Eō.
- [24] Nejin armej ej ilok, āinwōt ar jeje kōn E; a wo ñan eo ej ketak Nejin armej! e naaj kar eṃṃan ñan armej eo, eļañņe e ar jab ļotak.
- [25] Im Judas, eo ej ketak E, e uwaak im ba, Rabbai, ña ke? E ba ñan e, kwōj ba wōt.
- [26] Im ke rej ṃōñā, Jijej ej bōk bred, im jar, im ruje, im leļok ñan ro ri kaļooran, im ba, Koṃwin bōke im ṃōñā: eñin ānbwinniō.
- [27] Im Ej bōk kab, im jar, im leļok ñan er, im ba, Koṃwin otemjej idaaκ jān e.
- [28] Bwe men in daō da in kallimur, eo e toor ļok kōn elōñ ñan juurļok jerowiwī ko.
- [29] A Ij ba ñan kom, I jāmin idaaκ dān in leen vain, ñan raan eo ñe Ij idaaκ e im ekāāl ippemi ilo aelōñ in Jema.
- [30] Im ke eṃōj aer al, rej diwōj im ilok ñan toļ Olivet.
- [31] Iien eo Jijej ej ba ñan er, Boñin iṃ kom otemjej naaj ļōkatip kōn Ņa: bwe ar jeje, I naaj ṃan seperd im jiiip in bwijin re naaj jeplōklōk.
- [32] A ālikin Aō jerkakpeje, I naaj ṃōkaj ļok jān kom ñan Galili.
- [33] A Piter e uwaak im ba ñan E, Eļañņe er otemjej re naaj ļōkatip kōn Kwe, I jāmin ļōkatip indeeo.
- [34] Jijej e ba ñan e, Eṃool Ij ba ñan eok, boñin i ṃokta jān an kako ikkūr, e naaj alen am kaarmejjete Eō jilu.
- [35] Piter e ba ñan E, Eļañņe I meje Eok I jāmin kaarmejjete Eok. Im āindein an ri kaļooran otemjej ba.
- [36] Innām Jijej ej itok ippaer tok ñan jikin eo etan Getsemani, im Ej ba ñan ro ri kaļooran, Koṃwin jijet ijin ñe Ij ilen jar ijjiien.
- [37] Im Ej āñinļok Piter, im ruo nejin Zebedi ippān ļok, im jino An būromōj im eļap An douj būruen.
- [38] Im E ba ñan erjel, Aō e kanooj būromōj āinwōt ñan mej: koṃwin pād ijin im ekil ippa.
- [39] Im Ej ilok jidik, im pedowane, im jar, im ba, O Jema, eļañņe e maroñe en ilok kab iṃ jān Eō: a en jab ankil Aō, a ankil Aṃ.
- [40] Im Ej itok ñan ippān ro ri kaļooran, im lo aer kiki, im ba ñan Piter, Ta, kom jab maroñ in ekil ippa iuṃwin juon awa ke?
- [41] Koṃwin ekil im jar, bwe koṃwin jab deļoñ ilo kapo: an e kōṃaan, a kanniōk eṃōjṃo.
- [42] Alen kein ka ruo E bar ilok im jar, im ba, O Jema eļañņe kab iṃ e ban ilok jān Eō eļañņe I jab idaaκ ie, en ankil Aṃ.
- [43] im Ej bar iten lo aer kiki: bwe eddo mejeir.
- [44] Im Ej bar likūt er, im ilok, im jar alen kein ka jilu im bar ba naan ko āinwōt ṃokta.
- [45] Innām Ej itok ñan ro ri kaļooran im ba ñan er, Koṃwin kiki kiiō, im kakkijeik kom; lo, awa ej itok wōt, im ketak Nejin armej ilo pein ro ri jerowiwī.
- [46] Koṃwin jerkak; jān etal: lo ej epaak eo ej ketak Eō.
- [47] Im ke Ej kōnono, lo, Judas, juon iaan joñoul im ruo, ej itok, im eļap jar eo ippān, ewor jāje im doon ippaer, jān ippān pris ro reļap im elder ro an armej raṃ.
- [48] Im eo ej ketak E, ear leļok ñan er juon kakōļle, im ba, Eo I naaj mejenmaik E, E eo: koṃwin jibwe.
- [49] Im eṃōkaj an itok ñan ippān Jijej, im ba, Yokwe Eok, Rabbai; im e mejenmaik E.

- [50] Im Jijej e ba ñan e, Jera, kwōn kōmman men eo kwaar itok kake. Innām rej item likūt peir ioon Jijej, im jibwe E.
- [51] Im lo, juon iaan ro ippān Jijej ej erloke pein, im nuri an jāje, im jepak juon ri korijeran pris eļap, im bukwe lojilñin.
- [52] Innām Jijej e ba ñan e, Kwōn bar likūt am jāje ña ilo nien: bwe ro otemjej rej bōk jāje, re naaj mej kōn jāje.
- [53] Kwōj ļōmņak bwe I jab maroñ in kajjitōk ippān Jema, im E naaj jilkintok ñan ippa kiiō elōñ jān joñoul im ruo lijion enjeļ ke?
- [54] Eļaññe āinwōt, ekōjkan an kaṁool Jeje ko, bwe ren kōmmanman āindein?
- [55] Ilo awa eo Jijej e ba ñan jar ko, Komij itok āinwōt ṁae ri kowadoñ, ewor jāje im doon ippemi, bwe koṁwin jibwe Eō ke? I ar jijet ippemi raan otemjej im katakin ilowan tempel eo im kom ar jab jibwe Eō.
- [56] A men kein otemjej rej waļok, bwe en kaṁool jeje ko an ri kanaan ro. Innām ri kaļooran otemjej rej ilok jān E im ko.
- [57] Im ro rej jibwe Jijej rej āñinļok E ñan ippān Kaiepas, pris eo eļap, ijo skraib ro im elder ro raar kwelok ie.
- [58] A Piter ej ļoor E im etoane, ñan imōn pris eo eļap, im deļoñ im jijet ippān ro ri kabōjrak, bwe en lo jemļokōn
- [59] Kiiō pris ro reļap im ri pepe ro reļap otemjej, raar pukot kōnnaan riab ṁae Jijej, bwe ren ṁan e.
- [60] Im re jab loe, meñe elōñ ri kōnnaan riab raar itok. Tokālik ruo rej itok,
- [61] Im ba, Armej in e ar ba, I maroñ in kōkkure tempel in Anij im bar kalōk e iumwin jilu raan.
- [62] Im pris eo eļap ej jutak im ba ñan E, Kwō jab uwaak ñan jidik ke? Ta eo rein rej kōnnaan ṁae Eok kake?
- [63] A Jijej ej ikōñ. Im pris eo eļap ej ba ñan E, I kanejnej ñan Eok kōn Anij emour, bwe Kwōn kōnnaanōk kōm, Kwe Ri Kūraij, Nejin Anij ke, jab ke?
- [64] Jijej e ba ñan e, Kwōj ba wōt, a Ij ba ñan kom, Tokālik kom naaj lo Nejin armej Ej jijet i anbwijmaroñan kajoor, im itok ilo kōdḡ ko in lañ.
- [65] Innām pris eo eļap ej kekeel nuknuk ko an, im ba, Ej blaspim. Etke jej kōṁaan bar jet ri kōnnaan? Lo, kiiō kom ar roñjake An blaspim.
- [66] Ta eo komij ļōmņak? Rej uwaak im ba, Ewor ruōn bwe En mej.
- [67] Iien eo re iyeloki mejan, im jekanunok E; im bar jet re ubrare E,
- [68] Im ba, Kwe Kūraij, kwōn rūkaanij ñan kōm, Wōn eo ej ubrare Eok?
- [69] A Piter ej jijet ikōtaan im, im juon jiroñ ej itok ñan ippān im ba, Kwe kwaar barāinwōt ippān Jijej ri Galili.
- [70] A e kaarmejjete imaan mejeir otemjej, im ba, I jaje ta eo kwōj ba.
- [71] Im ke ej diwōj ilo tōñaak in kōjām, bar juon jiroñ ej loe, im ba ñan ro rej pād ie, Aet, armej in e ar barāinwōt ippān Jijej ri Nazeret.
- [72] Im e bar kaarmejjete kōn an kanejnej; I jaje kajjien armej eo.
- [73] Im tokālik jidik ro rej jutak ijo rej itok ñan ippān, im ba ñan Piter, Eṁool kwe juon iaer; bwe ainikiōṁ ej ba kajjiōṁ.
- [74] Innām ej jino an matōrtōr im kanejnej, I jaje kajjien armej eo. Im eṁokaj an kako ikkūr.

[75] Im Piter ej keememej naan eo Jijej e ar ba ñan e, E naaj alen jilu aṃ kaarmejet Eō mokta jān an kako ikkūr. Im ej diwōj]lok, im eḷap an jañ.

#### JEPTA 27

[Ma 27.1] Im ke ejibboñ, pris ro reḷap otemjej im elder ro an armej raṃ, rej pepe kōn Jijej bwe ren ṃan E.

[2] Im rej liāp E im āñin]lok E im ketak E ñan irooj eo Pailat.

[3] Iien eo Judas, eo e ar ketak E, ke ej lo eṃōj aer liaak]lok E bwe En mej, ej uke]lok ippān, im bōktok jilñuul ṃōttan silver ko ñan pris ro reḷap im elder ro,

[4] im ba, I ar jerōwiwi bwe I ar ketak bōtōktōk eo ejje]lok ruōn. Im re ba, Me kōmin et? aṃ wōt pepe.

[5] Im ej julok ṃōttan silver ko ṇa ilowan tempel, im diwōj im ilok im e make lukwōj kōnwan im toto.

[6] Im pris ro reḷap rej bōk ṃōttan silver ko, im ba, E mō ar āti ṇa ilowan tōptōp in ṃAn bwe re oñān bōtōktōk.

[7] Im rej pepe, im wiaik wāto an ri potter kōn men ko, bwe ren kalbwīn ro ruwamāejet ijo.

[8] Kōn men eo rej likūt etan wāto eo, wāto in bōtōktōk ñan raan iṇ.

[9] Iien eo ar kaṃool naan eo ri kanaan Jeremaia e ar kōnono im ba, Im rej bōk ṃōttan silver ko jilñuul, men eo oñān ḷeo, raar wiaik e, ro iaan ro nejīn Israel;

[10] Im rej le]lok kōn wāto an ri potter, āinwōt Irooj e ar jiroñ eō.

[11] Im Jijej ej jutak iṃaan mejan irooj eo, im irooj ej kajjitōk ippān, im ba, Kwe kiñ an ri Ju ro ke? Im Jijej e ba ñan e, Kwōj ba wōt.

[12] Im ke pris ro reḷap im elder ro rej kinaak]lok E, E jab uwaak.

[13] Im Pailat e ba ñan E, Kwō jab roñ ke men ko relōñ re ba ṇae Eok kaki?

[14] Im E jab uwaak e ñan jidik: innām irooj eo e kanooj bwilōñ kake.

[15] Im ilo kwōjkwōj ṃanit an irooj, ej kōt]lok ñan armej raṃ juon ri prisōn eo re kōṇaan.

[16] Im kiiō juon ri prisōn ebuñbuñ ippaer, etan Barabbas.

[17] Innām ke rej kweilok]lok, Pailat e ba ñan er, Wōn iaer kom kōṇaan bwe in kōt]lok ñan kom? Barabbas ke? ak Jijej ṇaetan Kūraj?

[18] Bwe e je]ā bwe raar ketak E kōn juunṃaad.

[19] Ke ej jijet ijo jikin ekajet, lio pāleen e jelōk]lok ñan e, im ba, Kwōn jab abjōk armej iṇ ewānōk; bwe eḷap an eñtaan būruō rainin kōn aō tōṇak kōn E.

[20] A pris ro reḷap im elder ro rej kareel būruen jar eo bwe ren kajjitōk Barabbas im ṃan Jijej.

[21] Irooj eo e uwaak im ba ñan er, Wōn iaerro kom kōṇaan bwe in kōt]lok ñan kom? Re ba Barabbas.

[22] Pailat e ba ñan er, Innām in et ñan Jijej, ṇaetan Kūraj? Er otemjej rej ba, Debwāāl E.

[23] Im Irooj ej ba, Bōta, ta eo enana E ar kōṃanṃane? A eḷap]lok aer laṃōj im ba, Debwāāl E.

[24] Ke Pailat ej lo bwe e ban anjo kōn jabdewōt, e rej bar kaḷap]lok aer keroro, ej bōk dān, im aṃwīn pein iṃaan jar eo, im ba, ejje]lok ruō kōn daan armej iṇ ewānōk: ami wōt pepe.

[25] Innām armej otemjej re uwaak e im ba, daan en buñut kōmwōj im ro nejim.

[26] Innām ej kōt]lok Barabbas ñan er; a ej deñ]oke Jijej, im ketak E bwe ren debwāāl E.

- [27] Innām ro ri tariṅae an Irooj eo rej āñin]ok Jijej ñan ilowan imōn Irooj, im kokweiloktok jar an tariṅae otemjej ñan ippān.
- [28] Im re jojen ballin im kaliboror E kōn kopā ekilmir.
- [29] Im ke emōj aer pirōk pāllin kālōklōk, rej likūt e ṅa ioon bōran, im koba i pein anbwijmaroñan: im rej bukwelōlō imaan mejan, im kajjirere kake im ba, Yokwe Eok! Kiñ an ri Ju ro.
- [30] Im re iyelok E, im bōk koba, im deñ]oke bōran.
- [31] Im ke emōj aer kajjirere kake, rej bōk kopā jān E, im bar kanuknuk E kōn nuknuk ko An, im āñin]ok E bwe ren debwāāl E.
- [32] Im ke rej diwōj]ok rej lo juon emṅmaan, ri Sairine, etan Saimōn: rej kaṅakokoik e bwe en inek An debwāāl.
- [33] Im ke rej itok ñan juon jikin etan Golgota, āinwōt ñe rej ba, Jikin ]āt in bar,
- [34] Rej le]ok ñan E dān e meñ ekāre kōn dān in āt bwe En idaak: im ke emōj An edjoñ E ṅakoko in idaak.
- [35] Im ke emōj aer debwāāl E, rej ajej nuknuk ko An kōn juon aer kakō]je.
- [36] Im rej jijet ijo im baar E:
- [37] Im rej likūt ṅa ilōñin bōran naan in kinaak]ok im je, E Iṅ JIJ EJ KIÑ AN RI JU RO.
- [38] Ilo iien eo rej debwāāl ruo ri kowadoñ ṅa ippān: juon i anbwijmaroñan, im juon i anmiñin.
- [39] Im ro rej kijoon E rej kajjirere kake, im jeboulul bōraer,
- [40] Im ba, Kwe ṅe kwōj koṅkure tempel, im bar kalōk e iuṅwin jilu raan, kwōn make loṃoṃrōṃ. E]aññe kwe Nejin Anij, kwōn to la] jān debwāāl ṅe.
- [41] Barāinwōt pris ro re]ap rej kajjirere kake, kab skraib ro im elder ro, im ba,
- [42] E ar loṃoṃren armej ro jet, E ban make loṃoṃren E. Kiñ in Israel E; kiiō En to jān debwāāl eo, im kōm naaj tōmak E.
- [43] Ej lōke Anij; e]aññe E kōṅnaan E, kiiō En kōt]ok e; bwe E ar ba, Ña Nejin Anij.
- [44] Im barāinwōt ri kowadoñ ro, ar debwāāl erro ṅa ippān āindein aer kajjirere kake E.
- [45] Kiiō jān joñoul im ruo awa ñan jilu awa, e marok ioon aolepen āne eo.
- [46] Im ke e nañin jilu awa Jijej ej lamōj im e]ap ainikien, im ba, Eli, Eli, lama sabaktani! Āinwōt ba, Aō Anij, Aō Anij, etke Kwaar ilok jān Eō?
- [47] Jet iaan ro rej jutak ijo, ke rej roñjake, re ba, Armej iṅ ej kūr Elaija.
- [48] Im emōkaj an juon iaer ettōr, im bōk matmat, im kattu ]ok e ilo dān e meñ, im likūt e ṅa imaan koba, im le]ok ñan e bwe En idaak.
- [49] Ro jet re ba, En pād wōt, jān lo e]aññe Elaija e naaj iten loṃoṃren ke, jab ke.
- [50] Im Jijej ej bar lamōj, im e]ap ainikien im E mej.
- [51] Im lo, rōñel nuknuk in tempel eo e potak im ruo ṃōttan, jān lōñ ñan la]: im la] e ṃakūt]ūt, im ejṃaan ko re rup:
- [52] Im lōb ko re pe]ok; im elōñ ubōn ro remṃan raar kiki rej jerkakpeje,
- [53] Im wa]oktok jān lōb ko ālikin An jerkakpeje im rej ilok ñan jikin kwelok eo ekwōjarjar, im weaaktok ñan elōñ armej.
- [54] Im ke senturiōn, im ro rej pād ippān im baare Jijej, rej lo an la] ṃakūt]ūt, im men ko emōj kōṃṃAn, e]ap aer lō]ñōñ, im rej ba, Eṃool E iṅ Nejin Anij.

- [55] Im elõñ kōrã rej pād ijo etoļok im loe, ro raar ļoor Jijej jãn Galili, im jermal ñan E.
- [56] Jet iaan liṃaro, Meri Magdalini, im Meri jinen Jemes im Joses, im jinen ro nejin Zebedi.
- [57] Ke ejota, ej itok juon armej ri Arimatia, e ri ṃweiie, etan Josep im e ri kaļooran Jijej:
- [58] Ej itok ñan ippãn Pailat im kajjitōk ubõn Jijej. Innãm Pailat ej jiroñ bwe ren leļok.
- [59] Im Josep ej bōk ubõn im kūtimi ṅa ilo nuknuk linen im erre,
- [60] Im likūt e ṅa ilo lōb eo lippon im ekāāl, me e kar jekjek ilo dekā: im ej kadāpiļok juon ejṃaan eļap ṅa ilo aor in lippon im ilok.
- [61] Im Meri Magdalini ej pād ijo, im Meri eo juon, im rejro jijet ikijjien lōb eo.
- [62] Im raan eo ilju, raan ilokõn raan in kapojak, pris ro reļap im Parisi ro rej kweiloklok ñan ippãn Pailat,
- [63] Im ba, Irooj, kōm keememej an ļeo ri ṃoṅ eo ba, ke E ar mour, Ilokõn jilu raan I naaj jerkakpeje.
- [64] Innãm kwõn jiroñ bwe ren kanooj kapen lōb eo ṃae ilokõn jilu raan, ñe re ab ri kaļooran itok im koṅot E, im ba ñan armej ro, E jerkakpeje jãn ro re mej: im ṃoṅ āliktata e naaj nana jãn eo ṃokta.
- [65] Pailat e ba ñan er, Ewor ri baar ippemi: koṃwin ilok im kapen e, āinwõt ami maroñ.
- [66] Innãm rej ilok, im kapen lōb eo, im sil ejṃaan eo, im ro ri baar rej ippaer.

#### JEPTA 28

- [Ma 28.1] Ke ejemļok Jabõt, im ej jino raantak ilo raan ṃokta ilo wiik, Meri Magdalini im Meri eo juon rejro itok bwe ren lo lōb eo.
- [2] Im lo, eļap an laļ ṃakūtkūt; bwe enjeļ in Irooj ej wanlaļtak jãn lañ, im itok im kadāpiļok ejṃaan eo im jijet ioon.
- [3] Mejan āinwõt jarom, im balle eo an emouj āinwõt jiṅo;
- [4] Im ro ri baar rej wūdiddid im āinwõt ro re mej, bwe re mijak e.
- [5] Im enjeļ ej uwaak im ba ñan kōrã ro, Koṃwin jab lōļṅoñ: bwe I jeļā komij pukot Jijej, eo ar debwāāl E.
- [6] E jako ijin; bwe E ar jerkakpeje, im āinwõt An ba. Koṃwin item lale ije jikin an Irooj ar babu.
- [7] Im koṃwin jarōbļok, im kōnnaanōk ro ri kaļooran, Eṃōj An jerkakpeje jãn ro re mej; im lo E ṃōkaj ļok jãn kom ñan Galili; ijo kom naaj lo E. Lo, eṃōj aō kōnnaanōk kom.
- [8] Im eṃōkaj aer ilok jãn lōb eo kōn lōļṅoñ im lañlōñ eļap, im rej ettōr bwe ren kōnnaanōk ro ri kaļooran.
- [9] Im lo, Jijej ej ioon er, im ba, Yokwe kom. Im rej iten dāpij neen, im kabuñ ñan E.
- [10] Innãm Jijej ej ba ñan er, Koṃwin ilem kōnnaanōk ro jatiō, bwe ren ilok ñan Galili, im ijo re naaj lo Eō.
- [11] Im ke rej ilok, lo, jet iaan ro ri baar rej itok ñan jikin kwelok, im kōnnaanōk pris ro reļap men ko otemjej kōṃanṃAn.
- [12] Im ke rej kweiloklok ippãn elder ro, im eṃōj aer pepe, rej leļok elõñ ṃAn ñan ro ri tariṅae,
- [13] Im ba, Koṃwin ba, Ro ri kaļooran raar itok ilo boñ, im koṅot E ke kōm ar kiki.
- [14] Im eļañne irooj eo e naaj roñjake, kōm naaj kareel e, im loṃoṅremi.

- [15] Im rej bōk mAn eo, im kōmanman āinwōt ar katakin er: im e buñbuñ ļok naan in ippān ri Ju ro ñan rainin.
- [16] A joñoul im juon ri kaļooran rej ilok ñan Galili, ñan toļ eo ijo Jijej e ar ba ñan er.
- [17] Im ke rej lo E, rej kabuñ ñan E; a jet re pere.
- [18] Im Jijej ej item kōnono ñan er, im ba, Eṃōj letok ñan Eō kajoor otemjej i lañ im i laļ.
- [19] Innām koṃwin ilok, im kōmman ri aelōñ ko otemjej bwe ren ri kaļoora, im peptaij er ilo etan Jema im Nejin im Jetōb Kwōjarjar;
- [20] Im katakin er bwe ren pokake naan ko otemjej I ar jiroñ kom: im lo, Ij pād ippemi iien otemjej ñan jemļokōn laļ.